


金

石

苑

宋千佛崖大雲寺崔嶧等題名碑

石連額高七尺一寸廣二尺八寸記面行行十一字字徑四寸至五寸五分正書右側新三行下丁卯
列左行字徑一寸餘至二寸餘不等正書額一行三字字徑三寸至四寸五分石左方殘缺



大雲寺
肅郡政優暇
訪水利於江湄蕭寺
石以紀端奉
命書王象刺

轉運判官王正臣子儀
通判州事吳迪惟幾
提點刑獄公事神林綱贊
和利州事馬滿承之
轉運按察使崔嶧之材
同提點刑獄崔承恭順之

碑側

高五尺二寸廣六寸上九字字徑三寸餘正書下八字字徑二寸正書

李康伯晉卿瀘川代還

有八日

李少逸来

爲一尺七寸廣六寸二行
行六字字徑二寸餘正書

段綽游此嘉祐

庚子九月白題

右碑在廣元縣崔嶧見皇澤寺造象記李康伯字少逸慶厯中以閤門祇候知瀘州見涑水紀聞此題名曰康伯曰少逸名字兼題實一人也按峴山石柱亦有太子府率致仕李康伯題名并詩

宋立唐宋加號文宣王詔銘碑

石連高四尺五寸五分廣二尺八寸五分厚五寸六分
六十五字不等字徑六七分正書額九字字徑二寸六分篆書

唐明皇帝加號文宣王詔銘碑

唐明皇帝加號文宣王詔銘碑

邑人楊遵憲書懷安軍句

門下洪我王化在乎儒術孰能發揮此道啓迪吾輩則生人已

來未有始夫子者也所謂因天攸縱將聖多能德配乾坤

身揭日月放軀立表下之大奉成天下之大經業數教移風俗

君君臣臣父父子子人到于今受其賜不其騎鯨鰲呼楚王莫

封魯王不用俾夫大聖纔列陪臣樓遲旅人固可知矣年

金

石

苑

宋唐宋加號文宣王詔銘碑

懷安軍句

一

中江

祀浸遠先靈益歉雖大有褒稱而未爲崇峻不副於實人其謂
何朕以薄德祗膺天命思闡文明廣被華夏時則異於今古情
每重於師資既行其教合旌厥德爰申盛禮載褒徽猷夫
予既稱先聖可追謚爲文宣王宜令三公持節冊命應緣
海及祭禮所司遽擇日并撰儀注進其文宣王陵并舊宅
之廟量加灑掃用展誠敬後嗣可爲文宣公至如辨方正位著
自禮經苟非得所何以示則昔緣周公南面夫子西面舍
俎既有殊坐豈仍舊宜補其壁典永作成式自今已後兩京國
子監夫子南面而坐十哲等東西列侍天下諸州亦宜雄
此且門人三千見稱十哲包夫衆美實越等夷暢至聖之風規

發人倫之耳目並宜褒贈以寵賢明顏子淵旣云亞聖須優其
秩可贈充公閔子騫可贈費侯冉伯牛可贈鄆侯冉仲弓可贈
薛侯冉子有可贈徐侯仲子路可贈衛侯宰子我可贈齊侯端
木子貢可贈黎侯言子游可贈吳侯卜子夏可贈魏侯又
夫子格言參也稱魯雖居七十之數不載四科之目頃雖未叅
於十哲終式宜殊於等倫允稽先旨俾循舊位可贈成侯庶乎
禮得其序人焉式曉宗洙泗之丕烈重膠庠之雅範布告中外
咸使聞知主者施行開元二十七年八月二十四日
先聖文宣王贊

荷歟夫子

寔有聖德

其道可尊

其儀不忒

〇〇〇〇

百王取則

吾豈匏瓜

東西南北

顏回贊

杏壇槐市

儒術三千

回也亞聖

丘也稱賢

四科之首

百行之先

秀而不實

得無慟焉

曾參贊

百行之〇

三才以教

聖人叙經

曾氏知孝

全爲乎〇

動稱容兒

事親事君

是則是効

皇宋加號至聖文宣王詔

王者順考古道懋建大猷崇四術以化民昭宣教本總百王而
致理丕變人文。啓迪於素風思聲揚於鴻烈 先聖文宣王

通膺上聖體自生知以天縱之多能實人倫之先覺元功侔於
簡易景鑠配乎貞明惟列辟以尊崇乃億載之師表肆朕寡昧
欽承命歷曷嘗不遵守彝訓保乂中區屬以祗若元符告成喬
嶽觀風廣魯之地飾駕數仞之墻躬謁遺祠緬○遐躅仰明靈
之如在肅奠獻以惟寅是用徵簡策之文昭聰叡之德第舉述
崇之禮庶伸嚴奉之心備物典章垂之不朽誕告多士昭示朕
懷宜追謚曰 至聖文宣王祝文特進署仍令所司擇日備
禮冊命并修飾祠廟祭器其廟內制度或未合典禮並令改正
給近便五戶以奉塋域仍差官以太牢致祭故茲詔示想宜知
悉大中祥符元年十一月日

至聖文宣王贊 并序

御製

若夫檢玉介邱迴輿關里緬懷於先聖躬謁於嚴祠以爲易俗化民既仰師於彝訓宗儒導道宜益峻於徽章增篇崇名章陳明祀思形容於盛德爰刻鏤於斯文贊曰

立言不朽

垂教無疆

昭然令德

俾哉素王

人倫之表

帝道之綱

厥功實茂

其用允臧

升中既畢

盛典載揚

洪名有赫


懿範彌彰



中丞知遼州遼溪縣事騎都尉王 荀龍

篆

將仕郎守中江縣尉王 奉先



知中江縣事兼兵馬監押張 寅

將仕郎守中江縣主簿竇淵

至和元年甲午歲十二月望日益州進士楊天成立石
右碑在中江縣文宣王唐開元十二年加號也至聖文宣王
大中祥符元年加號也宋贊詔並見前綿州刻王荀龍金石
萃編有草堂寺題名未詳其里貫按荀龍字仲賢大名人馮
澥安岳集有寄王仲賢朝議詩劉摯忠肅集有知恩州事尚
書兵部郎中王君荀龍夫人仁壽縣君趙氏墓誌銘韓琦安
陽集有和前水監王荀龍郎中重九感懷詩即其人也竇淵
字深甫亦見草堂寺題名立石者爲益州進士楊天成殆與
天隱天惠昆弟行也

政 函 公 書

宋馮解書潼川府學鄉賢堂記後并跋

高存五尺四寸廣四尺二寸三十三行前二十行行二十七字字徑一寸二分後十三行存二十七字字徑八分正者額高一尺六寸八行行二字字徑七寸篆書石下缺

熙寧中先君通守潼川時鄉賢楊公天隱先生憂居食貧先君
 元教請主學鄉議惟允學使大集問旬講尚書說命公標舉奇秀
 無不欣悅時與亡兄推官澄源遂隸籍於西廡懿文
 友時學校初啓規模嚴甚高棟長廊纖塵不動絃誦之外
 簡屬諸生請見如造官府蓋公志誠議論學辭章以至筆札
 人望而畏之而公實不以己望人時降辭色以接引後進每滿得天下
 其言以見已意一日召瀾與楊公祐甫問所習已欣然命坐曰二君
 月二人慷慨拜謝而退時年尚少未有知識以爲教誨常語而不知其
 而思之方知稱九原可作吾誰與歸後二年公既除喪罷去元豐初
 朝廷以成都黎公立之先生教授梓學先君將代瀾尚留學三數月
 歷以太學上舍第學通古今尤工時文後進宗仰遠近存集學不
 至口贊舍不能容公講罷食已便坐垂簾燕衣冠以待諸生問
 酬應去來畢畧而後已高弟入室常至夜分如是累季無少廢倦
 中馬口巨濟而下五六十人率多秀道蜀人
 寢微士習益苟風流不嗣城門

金石

宋馮解書潼川府學鄉賢堂記後并跋

高存五尺四寸

三

川府學賢堂記

景公徽猷充祖守梓之二季勸學○誠待士以禮方才○
復有無靈元豐永平之氣象臨去始以元符中前守閩中陳公國○
續感歎追念噲昔懷想二先生風致不能自已輒書其大槩丐刻○
思增梓學之重自熙寧乙卯至紹興丁巳六十有三年若以嘉祐庚子
意冀耄尚能追叙執筆以記詞話昏錯覽者無誦十二月甲子安岳郡

明賢堂舊在學之東嘉慶中因新大成殿堂觀廣
署於典不修香於不可以報政明年大未承
與滿宗卿賢事實以示公意而位置已定學錄
隔鄰堂說達善風雨冥晦則生幾不相接且昔
典至國上公既謂然又明年代而新之方搜諸遺
軸之餘為姓名復觀興夫惡代衣冠之制大辦具
者以盜來初隸東川年增繪奉政蘇公併與著聞
以侈此邦人物七盛堂成視拓累傳清鮮刺史率
左軺海公以刺詣侯例命其孫大光書焉左軺公
還作非公懸諸之力其肯樂從以或北奇特事鳴
其倚與詩曰中心誠之何日忘之行人於公究云
口口口口口口口口口口口口口口口口口口口

右碑在三臺縣按宋史本傳馮澥字長源安岳人父山字允南熙寧末爲秘書丞通判梓州終祠部郎中澥登進士第爲左諫議大夫建炎初除資政殿學士知潼川府有安岳集集中有還楊恬天隱長官家集詩天隱潼川人考王夢易墓表中有楊天惠作雙溪先生傳張天覺亟稱周彥商彥能從其求文以顯親之名蓋有道而能文者天惠潼川人後居于郾熙寧三年庚戌葉祖洽榜進士有詩見全蜀藝文志唐宋加號文宣王詔贊碑又有益州進士楊天成立石亦惠古崇儒之士何宏農氏之多賢也

宋彭州壩口鎮新修塔記

石高九尺八寸廣四尺五寸十八行
行三十九字字徑二十五分正書

彭州壩口鎮新修塔記

兩川之大府曰成都成都之屬郡曰天彭天彭有鎮曰壩口壩口有寺曰鎮國山盤九折江折二派乃膏腴之上地具神靈之奧宅淨慧大師保聰郡人也嗣平潤法師住福昌禪院嚴持戒行廣興佛事皆□□記此不復書淨慧往來壩口棲止鎮國竊愛勝境思結善緣乃與邑人耿符等議建無垢淨光法舍利塔一座自甲午年至庚子告成陶甃構材費踰鉅萬凡十三級高二十四仞其間復置九十□□塔以陀羅尼經匝其中屹屹寶

金

石

苑

宋彭州壩口鎮新修塔記

嘉祐五年十月

彭縣

勢凌井絡之高巍巍福基壯坤維之重岷山可摧塏不可毀蜀
江可□□不可壞信乎諸天雲犇散花而讚嘆百神岳立持戟
而擁衛也已夫諸佛設教非欲崇大厦起尸□□□□以自
嚴奉蓋念衆生處世沉沒愛網造作黑業輪轉諸趣莫知休息
使觀我相者發慈悲□□□其財者滅慳貪之迹其悟空性成
法身含生之靈根智畧異豈可同語也今是塔有躡一階設一
□□□□施一供慈悲之念發則拯濟一切慳貪之迹泯則饒
益有情淨慧之意豈徒焚哉況

荒極幽草木昆蟲率遂其性而吾民捨僞邦歸 聖世擊壤

賦不識兵革□孫承承安至白首陶 王澤之潤知

帝力之何有宜乎樹妙果祝

皇齡樂

休□□世□

富壽之域者焉淨慧向遊

都下乃予故人懇丐鄙文永昭

樂石乃敢直書以諭遠俗使繼□釋氏愛戴

朝廷不其美

歟嘉祐五年十月十二日

翰林侍讀學士朝散大夫給

事中知□都軍府事兼管內橋道勸農使充成都府利州路七

駐駐泊本城兵馬鈐轄上柱國太原郡開國侯食邑一千三百

戶食實封貳伯戶賜紫金魚袋王素撰朝奉郎守尚書虞

部郎中知彭州軍州管轄駐泊兵馬兼管內勸農事輕車都尉

賜緋魚袋借紫沈純書朝奉郎守太常博士通判彭州軍

州兼管內勸農事提舉渠堰騎都尉偕緋常溥篆額

州官洎施主名氏刻於碑陰

碑陰

二十四行上端泐約有五
十八字字徑寸七分正書

□□□□□□□于碑陰

□□□□□□□法界□□□□□示□□者令自開解中

下之根以無量方便舉果明因勸進修行今出苦源利樂一

切有情即 本州

□□□□□□□□□□□□□□

大師保聰 甲午歲上春 景鎮慈茲古寺徘徊嘉

致高伍之遠岫如藍極望晴郊縹渺之平川若練嘆乎勝壑

高□□□□□□□□□□□□□□宋得一張仁謙

楊宗秀李從慶王脩中王克仁王克勤王克庸高宗孟王族
張德熙姜元盛瞿祥蕭恕己浴室□□□□□□□□
□□宋昭一趙□文黃昭度姜元鑑張文璨楊仁吉王惟諒
薛懷王喜悅同誠奉為

□□□□□□□□□□郎中□□勲貴周天乳象海岳龍
神虛空聖賢一切舍識四恩三友建

□□□□□□□□□□一□□□□□□□知塔資聖住

持義全充副知塔尋於抄春十二日鑿基四方各八倣深一

倣四尺疊井取剛舍利以銀塔□□□□□□□□戶□□

□□□□□三十五萬以三載而就□□素承德承充作頭

於乙未抄秋十七日砌座工無暫暇累寸而升至己亥初
夏□□□□□□□□九十九小塔原教文每一小塔爲六
通陀羅尼木函安置其中以白泥起峻佛像菩薩像間以箏
笙琵琶簫笛篳篥以爲嚴飾乳仄□□□□□□□□七起
□符可煉萬斤上七層輪相鑄鐵桶臺蓮花風煽寶珠金翅
鳥傘蓋鎮下楊承族楊延貴施工召郾邑楊延賞充作頭大
寶珠□□□金□□二十四軸忽彌勒上生經彌勒下生經
彌勒成佛經金剛般若經普賢行願經阿彌陀佛經藥師經
報父母恩重經觀音經延壽命經梵□□□白入□大隱求
佛頂尊勝大明神呪經般若心經六通陀羅尼大悲心佛頂

心經七佛頌圓覺經四句偈諸部真言金光明經懺悔品鎮
之二寶□□□□□佛像□□像內彫蓮花為臺三寶珠
以檀香像彫牙像卧像四智菩薩並皆鎖定須弥坐間楠木
二十四葉周迴彫維摩經一部金粧為□□□□□香花
□□□環幢幡歌唎頌德菩薩一會內柱繪畫行道十六應
真大阿羅漢塔身內五龕彫五尊聖像四方彫四佛四隅造
四天王周□□□□□戶□□印□□花錯落塔正桶東
西盡文殊普賢北盡瑞像南觀音除蓋障二大士塔鈴 本
州長講表良同遠近施塔前建□□□□□□□□□□

□一□□侍讀府尹賜雄文永鎮方隅二十餘淨信逐市抽

大錢忽一百二百忽三百四百并鎮市隨喜酒務結緣名曰
無盡錢而又□□□□□□□□□□像以輝之覆盡原以
華之布金地以飾之捨淨賄以助之於塔下置庫封鎖迺後
常住捨稻穀助糧况大緣舉發清白誠契聖□□□□方□
生□仰塔□□若□□□塔忽聞鈴聲忽聞其名彼人所有
五無間業皆得消滅常為一切諸佛之所護念保聰忝承佛
塵獎善不無二□□□□四位各知一月勸使人工早晚無
失出入文歷毫髮無差四原紺然塔身高顯鈴鐸響曉鍾梵
悠颺自得巍巍丹青莫狀已於庚子歲暮春二□三□上□
□告畢感異相□現仙樂呈祥遠近皈依無不瞻嘆良哉佛

事十載而成八萬巨工方諧終始僧堂厨庫匝行廊華故
鼎新儼然而備垂

維治平元年甲辰歲七

月十三日資 聖禪院掌塔賜紫淨慧大師保聰□□首品
緣耿符撰資 聖院主賜紫惠雅筆勾文志刻石

當寺上座僧廷顯紹依守素宜緒保昌

文□□□□吉子真正懃從表秉純仁

泰維那正文寺主賢□

右侍禁彭州壩口兵馬監

押劉 迪

朝奉郎尚書屯田員外郎知彭州軍州管轄駐泊兵馬

兼管内勸農事上騎都尉賜緋魚袋借紫范徽之

右碑在彭縣西三十里天彭山之麓鎮國寺碑文爲王素撰
素字仲儀太尉旦季子賜進士出身擢知諫院出知成都府
復尹開封以工部尚書致仕宋史有傳考是碑可證其知成
都時在嘉祐五年也常濟字周用大邑人景祐五年進士轉
秘書丞太常博士通判彭州官至尚書屯田員外郎見呂陶
泮德集所載墓志銘又碑陰刻州官洎施主名氏未有知彭
州范徽之按峴山石柱有著作佐郎范徽之題名並詩即其
人也

宋富樂山興教禪院塔銘

石連額高五尺廣二尺三寸五分二十三行行四十四
字字徑八分正書額六行行二字字徑二寸五分篆書

綿州富樂山興教禪院塔銘

勅賜綿州富樂山興教禪院傳法□公長老塔銘并序

成都府甘露寺傳楞嚴了義經賜紫

覺□大師

三蜀釋氏子歸于□□于道者□流有二曰教曰禪其習于教
者則之成都大慈蘭若□碩德超□□□□□□□□□□
有空□性相或□之於□三□方□於妙果或悟之於□一念
俄超於無□矣其慕於禪者□□□□□楚涉吳訪叢林之知

識朝參暮講以戀于心□□□以示其要或欠唱以□其蒙悟
其旨則無修而修□□□□逆皆是於方便語默咸歸於道
場左縣富樂山興教禪院住持傳法長老即禪教博通之士也
法諱智□□□□姓蒲氏自于髫年出於俗網禮本郡富樂
山紫衣訥大德爲師至十二歲遇

太宗覃恩落髮爲沙弥至十八歲授具足戒於○公律師爲大
比正次年乃自謂曰頂旣圓矣戒旣具矣□□□胡越安哉
於是肩錫挈盂雲行水宿之於南國凡有禪林知識者雖山嶮
塗隘虺蜮交橫無敢往者師靡不□□□問□□□于二紀乃
於南康軍盧阜羅□祖印大師言下密契心靈如夢而覺覺無

所有似醉而醒醒無所□□□曠劫來循環界之汨沒死生之
計攀緣乃一妄耳自是辭吳別楚振錫還蜀栖息舊藍至天聖
十年巴西邑□□□王公□奉□□高廣□□無以鼓□經
□令唱道宗乘以警迷徒以祝

皇□幾二十載皇祐改元初仲春五日召門弟子謂曰坯質何
堅緣生豈久汝各勉旃以究出家之道言訖而□□年七十有
六僧臘五十有八度門弟子九人曰德讓德元德辨德珣德清
德讓德仁德方德普或契經索隱或□□□乃稟師訓於皇
祐己丑二月十一日以天竺法茶毗收其靈骨建塔於奉山附
祖師之塋也門人德讓自□□面馳□□行狀訪予求作銘記

辭不免免乃爲銘曰

□原□□ 今古亘然 不可智知 不可言詮

我師密契 妙用無邊 對機響捷 運化風旋

真說非真 還言不還 生□歆海 帆挂慈航

濟于未濟 緣度有緣 三祇道滿 二利功圓

召門弟子 乃垂誠焉 吾非猷世 吾非樂纏

勿生離戀 宜各勉旃 寂兮寥兮 誰往誰還

堂內華陽僧欽松書 師弟

欽壽刊字

知事典座僧智果 維那僧智道

長講國覺經兼知書狀沙門

智海篆

街坊化主僧德謙

知客僧德廉

藏

主僧智淳 勾當院主沙門

智明

大宋嘉祐六年歲次辛丑九月二十三日

住持賜紫沙門

□□建

右碑在綿州富樂山按元和郡縣志山在巴西縣東五里方
與勝覽昭烈入蜀劉璋延至此山望見蜀之全盛飲酒樂甚
歎曰富哉今日之樂乎故以富樂名

宋龍水縣龍潭記

高三尺六寸廣七尺六寸二十九
行行十二字字徑二寸五分正書

龍水縣龍潭記

將仕郎守縣尉兼主簿任輔撰
單闕之歲自孟夏至季不雨民
失其蒔愁嗟於无生
縣令宋 爲是邑奮然以盡其
心徧索境內之神將有禱焉吏

有告者曰縣之北數百步龍潭
古迹實有靈積三十年无祠於
是專心致志設酒醴致祝自罪
以請禮未具而中夜澤已及矣
既而禮行遂以告曰澤雖及未
足以蘇吾民果將大霈而膏吾
民也原爲

神立其堂而圖其象俾斯民知

所奉而有報於是旦日復大澍
自是有闕則禱如響之應聲於
戲得非人之靈於神而神能為
靈於人邪彼嵌崆之下泓污之
水非龍之所處其能福於生民
也如此設處滄海之大興雲致
雨以時兼濟於天下有異哉在
乎人之靈爾因而決爲之堂而

圖之象示民必信繼是而治者
其无忽焉時以嘉祐八年九月
十五日記

陵陽進士牟天益書

將仕郎試秘書郎夾江縣令范亦顏
給事郎守資州龍水縣令宋克正建

江鄭□□□□□□□

右碑在資州北按龍水縣隋義寧二年置屬資州宋宣和二年更名資州後復淳祐初廢范亦顏資州人皇祐五年癸巳鄭衡榜進士

宋游寶山院記

高一尺五十廣三尺五寸二十六行行十四字字徑八分止書首行存四字字徑二十篆書中下石缺

游 寶山院

外臺貢士李

邑之北距五里曰寶山

且異號為一邑之冠大

樹石藏密龍泉清泠王

綠篠凡百花卉各有時

閣真塏欄楯周合可以燕

遠舒來者之志意宜得其

人每歲孟春畢遊觀之

大命駕率往而與民同

時而

安以靜

之

事之細大

俎酣觴而無謂又何為哉安節

公之教久矣又聞

公之賞觀不復舉爾率有激焉

巖壁之右以永其起云時嘉祐

七月十五日

進士喻天休

廣文生范焯

五面山講經僧

言言
一日
簡

□
□
□

□
□
□

宋萬州西亭記

一萬二尺三寸廣五尺二十六行
行二十四字字體八分正書

萬州西亭記

亭據鄆西地藏靈勝以是名章章焉聞於遠中嘉祐捌年冬
上命駕鄆外郎東平東公守南汭郡郡瀕江踞山土瘠而民
居室多草茨井閭之間樛比皆是公下車席未坐煖大災屢
作公惠之乃鑿群之羨耕市材具構廣廈于西肆屋通衢而
九之亡慮二十有二楹築水防表火道其害始息居民便之
賈貿易亡壅滯之苦未數月事畢政平時和訟簡公命僚屬
繼于所謂西亭者公用覽而歎曰此三峽之絕致也形勝之
美出於自然非人力所能爲爾一面層崖列屏障也數畝方池
一蓮於也水石之幽雅魚鳥之游泳天其以此遺余非余成之
而誰也池之西北舊有浮圖之宮四至和元季魯公虞曾刻符
此地始建三亭焉曰高亭曰繼亭曰集勝集勝之前列軒欄
花木屬屋數政不葺公乃度池之南岸創亭曰碧照取池水

金

石

苑

宋萬州西亭記

治平五年二月

萬餘

之淨源也步亭之東據土地之祠所以安安神靈也直祠之北
 建亭曰縣陰取柳陰之聲茂也循亭而西有石方丈如席公
 命鑿之引泉環注其間為流柱之所命亭曰玉泉亭之南有石
 甃起公命方之以為基易結華為小亭而覆之結是池之周
 田皆有亭謝大抵公所與創多與知市之傳宮西津之大仙
 祠重瞻公府之前蘭草亭蘭草亭在蘭州平陽人率務約而完固不為考
 麗弗耗於官弗勞於民每良辰佳節與賓客張席于是極游觀
 之樂公曰是景也非獨以適己而娛賓抑將以遺後來之好
 事者公以治平三年春受代還臺臨行命駕於此憐是佳山
 水之勝顧謂僕曰尔為我誌其事謹按公之政所宜書者二夫
 興利除害仁也起廢修圯智也公之心乎仁且智其幾於道
 者耶時二月初吉南浦令劉省儀記

轉仙郎守南浦縣尉兼主簿孫 題上石

右碑在萬州西按萬州唐武德初置南浦州治南浦縣尋曰
浦州貞觀初更名屬山南東道宋屬夔州路明降縣屬夔州
府東公名莊嘉祐間知萬州舊多火災爲募陶人易瓦屋並
教儲水以備民害始息見舊通志魯公名有開字元翰以從
父宗道蔭入官知確山縣又以富弼薦知南康嘗對言新法
初行患在異日左遷杭州通判後知益州濟川亭作記之張
俞字少愚有詩載全蜀藝文志劉公儀合州人嘉祐中進士
藝文志亦有詩

宋榮梨山二祠封賜勅書記

高五尺二寸廣二尺二寸三分厚二寸五分行十
字至二十五字不等字相寸餘至四五分正書

中書門下牒

中書門下奏據太常禮院
狀准中書批送下諸州府
軍監等奏准赦文應天下
祠廟祈禱靈驗未有爵號
者並以名聞當議特加禮
命看詳榮州榮梨山神祈
禱有應山川之神合封爵
號伏候
指揮

榮州

榮梨山神

中書門下牒榮州會應廟

太常禮院奏准中書批送
下諸州軍監等奏准赦書
節文應天下祠廟祈禱靈
驗未有爵號者並以名聞
當議特加禮命內雖有爵
號而褒崇未稱者亦仰聞
奏今看詳榮州榮梨山五
龍池祠堂係山川之神祈
禱有驗合加爵號伏候
勅旨

榮州榮梨山五龍池

牒奉
勅朕秩百神之祀非特以
為報亦所以致吾誠也守
臣稱爾之靈能為民除災
而降祉是用錫之侯爵昭
爾有功神其鑒哉永庇于
茲土宜特封
靈應侯牒至准
勅故牒

熙寧八年十月日牒

禮部侍郎兼知政事王
在儀對殿下侍郎平章事

右中段

祠堂
州狀稱在崇德縣界
山高五里上有池旱
不涸雨不溢祈雨有
應圖經亦載

牒奉
勅宜特賜
會應廟為額牒至准
勅故牒

熙寧十年四月二十八日牒

工部侍郎兼知政事元
禮部侍郎平章事王
工部侍郎平章事吳

右中段

榮梨山二祠封賜 勅書記

丙午四月

郡之東北十五里山曰榮梨慈雲寺在焉中有二祠曰山神
曰五龍歲或水旱祈之屢應熙寧乙卯歲十月
詔命封神爲靈應侯郡吏不知典故以爲龍與神併封焉乃
徙山神之象合于龍祠以就榜額位貌瀆亂獻奠淆雜事弗
恭順詔款之人卒莫知誰之爲靈應也連年災旱豈不緣此
今年六月壬午又被

詔勅旌五龍之祠曰會應廟薦奉

朝旨躬行祭告始得詳究差謬既嘆□□□工消日遷
而正之靈各異位是時亢陽已累月畎畝□□因爲二詩書
之屋壁以感動神聽不日而雨旬浹之間閭境霑足焦枯再
苗民獲善歲噫

主上宵旰憂郵黎元常慮水旱作沴赤子不得飽凡山川上
下之祀罔不畢舉屢

詔郡國尚恐廢闕維堯湯之憂勤亡以加柰何守土之臣口
誤若此何以仰副

上意且

詔旨丁宜明白尚不能如遵況乎法令洲口百門千目失於
詳引其為害豈不多矣昔人有以拾遺為十姨留仁為劉
小孤之嫁激浪信有之矣恭神庇民守令之口也宜書
避恭刻
二詔書以傳不朽熙寧丁巳八月戊寅

朔日謹記

將仕郎守司理參軍口口口

將仕郎守司理參軍口口口

青丹

承事郎守司理參軍口口口

承事郎守司理參軍口口口

朝奉郎守司理參軍口口口

立石

右下段

右碑在榮縣榮梨山按榮州唐初置州治公井縣未撤初移治旭川屬劍南道宋屬潼川路紹熙中升紹熙府端平三年僞治寶祐後廢元末復置榮州屬嘉定路明降縣屬嘉定府按宋史宰輔表熙寧三年王珪以禮部侍郎參知政事熙寧八年元絳以工部侍郎參知政事熙寧九年王珪以禮部侍郎同中書門下平章事吳充以工部侍郎同中書門下平章事牒中聯銜即其時也

宋刻唐越王樓詩并序

石連類高約六尺六寸廣二尺九寸十四行行三十一字
字徑寸六分正書額六字字徑四寸篆書下方約三字

越王樓詩并序

唐綿州刺史樊宗師紹述文

綿之城帝獨嶽掀明威瀾石硝馳浩瀨左淩淩紅袂替天池送行癸壬且
于西北燭紅顧青越王正故為樓重軒墨飛門明牕蒙傘蹇蹇予始登謂
曉可窺其背雷電合風雲還霜露酸星辰介行神鬼變化草木頽繡懸
皆可察極既縈視其江帶又極視其土崗斷暴遠近山嶽發若闔之東皇
見荆山我可黃河瞠然為曲直淚雨落不可掩因口其心曰無害苦其目
過歸果星星過歸尚悲不能解重為詩以釋益不可顧謂郡中諸君能無
以華艷其念昔云

危樓倚天門如闌星辰宮樓薄龍虎怪洄洄繞雷風徂秋試登臨大霜毛
見西北路考懷益彫窮石瀨薄濺濺土山杳穹穹管人愴為逝所適酤顏
茲之來猶校成歲功輟田植科敵游園歌芳策地財無葦厚人室安取豐
度能千萬慙文翁
元豐元年正月戊申汲郡段緘安道書并篆

宋尚書都官郎中知綿州事戴蒙正仲立石

鵠者劉瑤

右碑在綿州越王樓樓在州治西北龜山巔唐太宗子越王
貞爲刺史時建按唐書樊澤子宗師字紹述始爲國子主簿
元和三年擢軍謀宏遠科授著作郎歷金部郎中綿州刺史
有治述東坡集有送戴蒙赴成都玉局觀詩蒙字正仲

宋富樂山興教禪院使帖并開堂記

石連額高的六尺三寸廣二尺六寸上下兩段上段二十二行行二十六字下段十八行行十五字字徑五六分至徑寸不等額四行行二字字徑三寸五分篆書石下款

小篆 師開堂山記

使帖

據僧司狀申准 使帖指揮仰據都僧正賜紫承雅與在州僧俗等

狀乞請富樂山 勅賜興教禪院賜紫僧智海和尚并堂為衆傳法

住持如無違礙即依申照會僧司仰准 帖命指揮下富樂山

勅賜興教禪院照會去訖錄上件僧智海和尚未蒙

使州出給補帖具狀申乞指揮 智海補帖付僧収執開堂照會者

右具如前檢會昨據都僧正賜紫承雅僧俗等列名狀稱伏觀

富樂山 勅賜興教禪院自先長老開立山門廣隆佛宗 〇 〇 〇

〇 說法指迷後十數年其法嗣有智靜和尚上堂傳法三紀 〇 〇

金

石

苑

富樂山興教禪院使帖并開堂記

卷之四

歸州

師弟海○師開講成都縉雲集道高○○○和尚○○誠出
○○○心○○乃賴光謙退以性自守○○○○聞說法
俗○○請○○師升堂為衆傳法住持○○○○乞諾所請
而○○等○○法○○在王臣不敢專擅具○○告乞指揮使州
尋行○○下僧司仰依前申都僧正賜紫○僧俗等狀所請富樂山
勅賜興教禪院○○和尚升堂傳法自持如無違礙即依申照會去
訖人○○僧司副○○所申事○○事須給帖付智海和尚○○取執一依
僧正賜紫○并僧俗等所請於富樂山勅賜興教禪院升堂
為衆○○法住持時大宋元豐肆年叁月拾壹日帖

司馬奉樂○權錄事臺章○○

軍事推官王○

朝奉大夫通判軍州事馮○

朝奉大夫知軍州事王○

右上段

絳州僧俗衆請富樂山智海大師開堂

將仕郎守絳州巴西縣主簿朱

夫西竺教文須憑於講說南方祖印惟
空門必資妙法在悟未悟本諸性有情
所未悟由聽而遂能悟情之始無得言
氏子傳法聽法之旨也左絳勝境惟富
方袍共集尚有迷方之礙願聞演法之
僧正賜紫承雅而下僧衆檀越暨諸猷
衙同請本州富樂山勅賜興教禪院
以今四月初一日就山門爲衆開堂
聖壽無疆之永次以開舍生未達之

言辯通博升堂結坐與衆問答其真
徒出迷津而趣正路乃

師今日開堂之始也願聞博言幸甚

大宋元豐四年辛酉四月一日管内都僧正賜

德琦德璋德微德岳德節德淵監院德

山門法眷 天池山釋自如書張昇刻字 住持

惟祭惟蛟惟古德和道嚴道憲 山口

右下段

宋郭子車重陽亭題記

高二尺二寸廣五寸四分行行
二十六字字徑七分正書

李義山記重陽亭曰作事東山以醉風日而不紀名亭之因子嘗讀
張平子西京賦有云集重陽之清澄釋者曰上爲陽下爲陰清澄亦
爲陽則斯亭也上據高嶽下瞰澄溪昔蔣伯名亭之意其得之於此
邪神釋碑陰以告來者元豐六年重陽日權知軍州事郭子車題

右碑在劍州鶴鳴山頂費著氏族譜郭子車輔中子最知名
嘗知大邑均三邑灌輸人號爲平厯知昌劍利三州

宋贈北巖院僧人詩

高一尺五寸廣二尺五寸十
五行內十二字字徑寸正書

贈北巖

冬

者

義張行

山得雲居子隆

有侍者□訥如

掃清狐兔窟鑄出黃金□放開

眉光陞寶坐灑大法雨遍閭浮

金

石

苑

宋贈北巖院僧人詩

元豐七年四月

蘭州

宋元豐甲子歲夏四月新
請子隆長老重興北巖禪
院范道者屢干予記頽懶
不能作因成此詩與之明
年季夏資中盤石縣主簿
廳睡軒書

七夕日僧德敏書丹立石

童行刻

右碑在簡州北巖院志未載按盤石縣後周置資州資陽郡

治隋唐因之宋屬潼川路元省

金石苑

宋贈北岩院僧人詩

宋富樂山詩

石連額高四尺三寸廣二尺七寸上下兩列每列十六行行十二字字
徑寸三分末一行行二十九字字徑八分額八字字徑二寸八分正書

四位大夫紀贈

詩贈

富樂山海公長老

知巴西郡事王

細

宿富樂山贈
海公禪老大師

無知子杜陵戴

蒙

心地如今不動塵大千境界百
年身掩關明月上峯頂蒲座清
風生玉津雪嶺松筠為節操石
樓鐘磬度昏晨已同七老
圖品壁便是龍華會裏人

芙蓉溪畔石連松殿閣崢嶸倚
半空一念超居無色界幾人長
住廣寒宮佳賓喜上山頭月
密友時來竹下風除却少多元
木物江牛哮吼任西東

拙詩奉贈富樂山

海公禪師

致仕涪川居士宋球

拙詩五十六言贈
富樂山海公長老

通判軍州事馮

紹

遊遍西南轉法輪歸來挂山名

富樂冠三巴佛子今生

金石苑

宋富樂山詩

元豐八年九月

綿州

詩碑

錫舊溪濱 師心皎皎潭中 此出家 六祖禪宗心頓悟碧
 月世俗悠悠 几上塵白雪眉毫 雲詩句衆爭誇虎聞講法馴高
 俱晚暮碧雲章句獨清新近來 座鷗識忘機立淺沙 八十餘
 素壁皆圖像如滿聯成七老人 年無俗慮只應 幽會有蓮華

大宋元豐八年乙丑歲九月重陽日天池山知表白 和書

院

沙門


立石

右碑在縣州富樂山海公卽智海見前開堂記王綢南部人
 慶歷中進士戴蒙見前趙王樓碑宋球成都人慶歷中進士
 官職方員外郎馮如晦安岳人慶歷六年丙戌科賈黯榜進
 士知梓州

右碑在大足縣西五十里石篆山山之巔前後左右怪石林
立若篆故名即佛惠寺也為宋希畫禪師開山道場按宋詩
紀事希畫劍南人為九僧之一頗有名於時今記中字跡訛
謬而文體亦庸弱疑非蘭亭真本當是後人託名者

宋趙懿簡公神道碑

碑通額高一丈三寸廣四尺一寸五分三十八行行八十
二字字徑七八分行書額兩行行三字字徑四寸篆書



金石苑

宋趙懿簡公神道碑

元祐七年五月

大足

宋中大夫□□□院事上柱國天水郡開國侯食邑一千二百戶食實封三百戶贈右銀青光祿大夫諡懿簡趙公神道碑銘并序

左朝散郎試尚書禮部侍郎兼侍講范祖禹撰

左朝散郎龍圖閣待制知永興軍府事蔡京書并篆額

元祐三年四月登進輔臣以尚書戶部侍郎趙公為樞密直學士簽書樞密院事明年六月拜中大夫同知院事五年三月丙寅薨于位年七十有二訃聞皇帝太皇太后震

悼輿駕臨奠哭之哀輟視朝二

日時議加等贈右銀青光祿大

夫諸孤奉喪歸盤屋

詔遣使護之其年九月壬午葬孟兆

社先塋中書侍郎傳堯俞諫公行而銘諸墓其孤又以狀請于

太史氏將刻之碑祖禹竊惟元祐之初

太皇太后保佑

皇帝功格于天眷求老成經緯萬事凡所建置必視

祖

宗之舊與吾民之所欲是以海內歡欣震動頌詠聖德如

祖宗時豈有他哉由用得其人也當是時公名自滄州不三

歲登右府人不以為遠既

在位天下想聞其風所言於

上前者人不得而悉知其所可見者寬厚清靜息兵省刑民無

勞後四方安枕公既沒而人皆歎恨以為未盡其用也然則空

以是銘于碑公諱瞻字大觀其先亳州永城人曾祖贈太子太

保諱翰曾祖妣昌國夫人王氏祖供備庫使贈司徒諱彬祖妣

岐國夫人李氏考太子賓客贈太尉諱剛妣慶國夫人張氏自

太尉始徙鳳翔今為藍屋人公少力學以行義高鄉里登慶曆

六年進士第初仕為孟

州司戶

參軍移河中府萬泉

縣令以圭

田修學校鄰邑之士裹糧而至改祕書省著作佐郎知陝州夏

縣作八監堂書古賢令長治迄以自為監不煩刑罰而獄訟理

父老至今稱誦之以祕書丞知彭州永昌縣築六堰均灌溉以

絕水訟民以比名杜改太常博士知咸州公以威茂難夷獠險

甚而難守不若合之而建郡於汶川因條著其諱為西山別錄

及熙寧中

朝廷經略西南就公取其書考爲遷尚書屯田

員外郎

吳宗治平元年

白都官

員外郎除侍御史上疏

請攬威柄慎賞罰廣聰明更積弊

帝嘉納對垂拱殿稱

善久之

詔遣內侍王昭明等四人使陝西招撫蕃部公言

唐用宦者爲觀軍容宣慰等使後世以爲至戒宜追還使者責

或守臣章三上甚激切會父彥博孫汚經略西鄙又遣馮京安

撫諸路公請罷京使專安宿將夏人入寇王官慶帥孫長卿不

能禦會長卿加集賢院學士公言長卿當黜賞罰倒置京東盜

賊數起公請易置曹濮守臣之

不才者未報乃求

對力言乞追

還昭明等不則受顯逐

帝爲改容納之二年秋

京

金

石

苑

宋趙鼎公神像

五

師大水

詔百官言事多留中公請悉出章疏付兩省官詳

擇以聞

帝從之先是六月

詔議追尊濮安懿王典

□□□上

□□□□□是願與建議之臣對辨以定邪正章七

上又與呂誨等合十餘疏既而

皇太后手書尊濮王為

皇三夫人並為后公杜門請罪翌日

詔令速赴臺公懷侍

御史勅告納

帝□□公□□□詔□□救□□□□

以死爭之勅議臣與中人交構惑

母后降手書及欲歸

過

至尊自揜其惡其十月假太常少卿接契丹賀正使

入對延和殿

帝問濮園議公曰

陛下為□□□

□□□而□□稱□□即二父非典禮

帝曰卿嘗見朕

言欲皇考濮王乎公曰此乃大臣之議

陛下未嘗自言

也 帝曰此中書過議朕自難成

先帝養以為子

豈敢稱濮王為皇考□□□□□□□□□□天下之

疑是時連日陰晦

帝指天色示公曰天道如此安敢□

□專濮王乎朕意已決志無庸宣諭公曰

陛下祇畏天

威不以私妨公善威德非臣愚所及

帝□□□□□□□□

□□□直□□□決□□□之會建議者言於

□□□□□□□□

□□□立□□□□□□□□公使還待罪乞與韓等同貶不報

閣門延公入對復懇請

帝曰卿欲就龍逢比干諫爭之

事乎孰若學□□□□□□□□□□

□□□遠□□□心□□□□□曰臣

一
 口
 口
 十一
 上
 邊
 口
 口
 口
 口
 口
 口
 公
 口
 六
 天
 下
 口
 口
 口

對丹奏事
帝問曰知為監司

☐ ☐ ☐ ☐ ☐ ☐ ☐ ☒ 訃 ☐ ☐ ☐ ☐ ☐ ☒ 使時 ☐ ☐ ☐

☐知☐☐☐公不聽由是不☐留
京師☐☐☐☐☐☐☒車☐

事酬復以公爲□□□□永興軍路轉運使以親老□□□

□□州□□□□□錢重欲置交子以權之命公制置
公以謂交子恃本錢法乃可行如多出空券是罔民也轉運使
皮公弼「不入□□上 朝廷方以事委公弼移公京西南
路轉運使以親老不行□□□□□□□□□里除提舉
鳳翔府太平宮丁太尉憂服除易朝請大夫知滄州 今

天子嗣位轉朝議大夫名為太常少卿拜戶部侍郎元祐三年
請老 優詔不允其四月遷輔政封開國侯同追對憲□□

□□材□□□□□□□還盡知請詔諸路安撫轉運使
舉使臣科別其才第為三等籍之以俗選任自元豐中河決小
吳北注界河東入于海 先帝詔曰東流故道淤高理不

可回其勿復塞乃開上□□□□□□□□是□□□□□□□□

□□以公□開河役夫三十萬用梢木二十萬自河決已八年
未有定論而遽興此大役臣竊憂之今朝廷方遣使相視

果以東流未便宜亟從之若以為可回宜為數歲之計□□□

□□□□□□□□□□□□□□□□□□□□之役非河為

限則虜寇不止公曰王者恃德不恃險昔堯舜都蒲冀周漢都
咸鎬皆歷年數百不聞以河障我狄獯淵之役蓋廟社

之靈章聖之德□□□□□□□□□□□□□□□□□□

□□□□□□□□□□□□□□□□□□□□塞北流公固爭之率

詔罷夫役如公所議洮河諸戎以青唐首領寢弱可制欲倚中

國兵威以廢之邊臣亟請用師公曰不可御夷狄以大□為□
□□□□□□□□□□□□□□王略之罪何辭而伐之
若其不克則兵端自此復起矣乃止又乞廢渠陽軍紆荆湖之
力 詔諭西夏使歸永樂遺民夏人聽命公既屬疾猶以邊
防為憂及薨 太皇太后□□□□□□忠厚君子也公
寬仁愛人唯恐傷之色溫而氣和人望之知其長者也其在
朝廷義所當為勇若賁實守之不變事 君與人一以
至誠表裏洞澈如見肺腑故面引廷爭而 人□□□□
□□□□□□□友真之或怨其誠心素信於人也娶劉氏尚
書駕部郎中晃之女賢淑孝敬配德君子治家有法度先公十

六年陟追贈益昌郡夫人子四人孝誥知瀘州錄事參軍嘗舉
賢良方正獻誠以知唐城縣□□□□□□□□康主簿三舉
進士皆強學力行是似是宜孫男六人基郊社齋郎垂假承務
郎暨右承務郎壁幼卒暨暨未仕孫女六人長適渭州華亭縣
尉司馬桂次適潞州司理參軍穆京次先公二日卒次適□□
□□□□□□□□□□□□幼曾孫男三人□□□□公所著春秋
論三十卷史記□□論三卷唐春秋五十卷奏議十卷文集二
十卷西山別錄一卷惟公在 仁宗之世為循吏事

英宗為爭臣

神廟朝

□□□□□□□□□□從民所

望□大用之而居住未幾功業不完然其著見之効已暴於天

下炳於後世列於太常藏之史官考公行事所至可紀今撰其
大者揭之神道以詔于無窮銘曰

聖祖趙公 博德有容 遺我後嗣 實自

祖宗 在 仁宗時 公始試吏 民曰父母

來予攸暨 簡于 英宗 正色匪躬

帝欽良臣 曰惟汝忠 爰暨 神考 公心

如一 言有違從 不撓其直 二聖曰咨

汝惟舊臣 亟其就位 翊我樞鈞 元祐

之政 惟天是若 天聽于民 惟民是謀

公在廟堂 四鄙戴兵 靡有內外 皆吾

孩嬰

天嚮仁人

錫公壽考

方終相之

不慙一老

南山有嘯

公名永垂

過者

必式

忠厚之碑

元祐七年五月癸未朔二十五日丁未建

京

教錫

右碑在大足縣北山石洞摩崖作碑形按宋史及碑均言公
塋於盤屋孟兆社先塋石墨鐫華亦云盤屋縣有趙懿簡公
碑今已磨滅不識何以又立碑於大足張介侯以爲或其
子有為昌州守者故刻於此亦屬臆斷宋杜大圭名臣碑傳
集載有此碑大圭蜀人當卽於石本錄出者

水虛鑒真人岑公贊

石連額高四尺七寸廣三尺二十四行行四十字
字恒六八正書額五行行二字字徑四寸正書

虛鑒益岑真人贊

萬州虛鑒真人岑公贊并序

朝請大夫知襄州軍州兼管內勸農事兼提舉房隨鄂州兵

馬巡檢公事柱國借紫岑象求撰

周文王異母弟耀之子渠成王封諸岑古梁國岑亭是也漢魏
而下隸南陽棘陽縣今唐州湖陽西北四十里有棘陽城蓋岑
氏世家於此黨錮起公考避地鹽官更為鹽官人其後仕梁居
江陵隋末天下亂公浮江逃難至南浦愛龜巖之邃止其下片

金石苑

水虛鑒真人岑公贊
元符元年九月

萬縣

衣粒米悉無所營宴坐凡二十年兀然逝去郡人慕公塑像龕
間世世奉口無懈唐獨孤霖段文昌皆為文紀公之德熙寧十
年夏五月大旱靡神不舉久新青澤守臣諸公懇禱即日雨大
霑一境霑足部刺史表其事

天子嘉之

有詔

賁勅贈公虛鑒真人者艾延請建妙庭觀置巖

前俾黃冠之徒日薦香火公之道遂大昭著竊原公去此餘六
百歲名迹幾泯一旦神靈顯發稱謂與莊老文列等其故何也
請以宗姓言之先武起宛葉征南以才武奮兵行如神所向風
塵位參四七之列梁武苦於奉佛寶唱以術業敷揚祕典首載
僧史東晉僧猛以孤節卓行冠比邱尼唐太宗經營洪業中令

景仁以清才奧識為房杜亞匹或迹輝清簡或名標寶藏皆事著一時譽高當世今公趣尚唯清虛靜默未嘗有一言垂後寂滅已久而隱德陞聞膺北寶錄聲實暴白與嶺雲江月輝映三峽品目高遠殆非偶然蓋征南以功唱以學猛以行中令以才而公以道修蘊含蓄深淺不同故其報有崇卑久近之異無足怪也郡守蓋君休璟謂予忝預末派使來求文故為述其由來而繫以贊云

虛造冲漢子

鑒微

幽隱秉德

既然子稱號惟允靜無所營兮空

無所蘊稽神靈之顯發兮庸詎非道力之強

啓

公居此巖二十

年兮萬人奉公也甚莊公去此巖二十世兮萬人想公其未央

金

石

苑

宋王鑒真人公贊

三

孤雲投壑兮謂公之秩段雲垂岫兮思公之棠公乎易歸兮儼
遺像於巖房望空峒之遶邈兮謾傳廣成之修鍊顧石室之依
然兮深悵赤松之弗見念餘派涓涓其不泯兮振起奚望於孤
生惟真迹之綿綿兮無預海田之變

元符元年六月三日陽翟李廌書

南京進士戚遼題額

奉議郎權知萬州軍州兼管內勸農事武騎尉賜緋魚袋偕

紫蓋 休璣

元符元年九月初十日立石

右碑在萬縣岑公洞原缺以縣志所載全文足之岑真人隋
岑道願也道願江陵人隋初避難三峽至萬州江南山下脩
煉百餘歲蛻去唐貞觀十八年以香屬商人令往巖下然之
商人不從且歸波漂雷怒乃返詣巖然香遂行無虞岑象求
按宋史本傳字巖起梓州人終寶文閣待制李廌本傳廌字
方叔陽翟人以文字見知於蘇軾元祐初軾知舉意在得廌
以魁多士及拆榜悵然廌竟無成而卒有濟南集

宋勅封漢車騎將軍馮公濟遠廟牒

高一尺一寸五分廣一尺九寸五分二十
四行行十四字字徑六分至寸餘正書

勅渠州漢車騎將軍

又加封惠應王告牒

渠州濟遠廟應民公

右可特封惠應王

勅朕每務推仁政以育群生而所不
能必者水旱之來故誠信以交神神
保是格則雨暘以時應求而至民不
敢薄神之賜顧無以報則告于有邦
君子朕惟有土之守與民同休戚則
敬聽其言錫神之號盼封列爵冠服

之儀秩以命數所以養揚神休而丐
神之終惠也惟神其亦不閔其靈以
對寵命以助于仁民愛物之政可依
前件

崇宣三年九月二十六日

中書令

州

中書侍郎呂吳

居厚宣奉

中書舍人呂劉

正夫行

奉

勅如右牒到奉行

崇宣三年九月二十七日

侍中

關

司空兼門下侍郎

京

門下侍郎挺之

右碑在渠縣濟遠廟按宋史宰相表吳居厚崇寧三年拜中書侍郎兼東崇寧二年兼門下侍郎趙挺之崇寧三年拜門下侍郎劉正夫字德初衢州西安人未冠入太學有聲爲太學錄太常博士以薦除左司諫徽宗時以起居舍人爲編脩官俄遷中書舍人進給事中俱有傳

宋勅賜遂州廣利禪寺善濟塔記

石地額高六尺四寸廣三尺二寸二十行行五十
字字徑寸正書額六行行二字字徑三寸篆書

勅賜遂州廣利禪寺善濟塔記

勅賜遂州廣利禪寺善濟塔記

瀛州防

禦推官知胡州武康縣事充轉運司管勾帳司張康時書篆

諸佛世尊以大事因緣故出現於世開示悟入直指心源即心

是道心了則道光明即道是心悟道則心徧現周流無間然後

道心成立一毛端具大千界此克幽禪師善濟之塔非滯名著

相之所能了也幽本唐大厯時人得法於益州無相禪師東川

節度使杜公仰其道業懇請演法于此正元初入寂建塔寺連

金

石

苑

宋勅賜遂州廣利禪寺善濟塔記

宋宣二年

遂寧

之西遭會昌毀滅塔圯成池白蓮化生人駭其異山谷之間光
相還遶紅雲亘天地布銀色觀音聖相髻鬋在中相國瑯琊公
掘尋靈蹟得鈎鎖骨如紫金聚時皆云觀音大士之化身復爲
建塔立殿其側時縣僚屬僧道士女無貴賤老少傾心崇敬水
旱祈禱隨感而應靈異變現世實希有前後在政沐浴慈惠未
聞奏請 旌表神貺崇寧改元 州牧尹公申稟 漕

臺 轉運判官謝公親睹殊相大現山谷又知靈應之蹟極
甚奇妙特爲奏請聞之于 朝事下大常 勅賜今額越

明年孟春上休前一日本寺傳法沙門逢原普會僧俗置齋落
成閩郡瞻企如積山岳于時梓州 轉運判官許公嗟嘆聖境

法會殊勝捐資供燭置諸塔前共成其美三人者非授記曩劫
安能啐啄同時崇建大緣昔者阿育王多建寶塔高廣無量或
居天上或散人間或藏巨海其數八萬四千九一十有三級自
餘或七或九或高或下聚沙累石等級不一巍巍堂堂功德難
盡唯祖師塔實無限量雖然塔爲其相善濟乃名以名求相相
未即責以相立名名固非實如是則相無自立名乃本空名旣
屬空相從何立著相者無繩自縛滯名者說食與人上下諦觀
俱非了義衆生歷劫迷謬不能了達息聞作是言便去名徹名
去相捨妄求實不知名相一如真妄同體徹之與去是猶適越
而北轉非唯行之不至抑又愈遠而不可近焉於戲大道無形

莫窺涯涘實精獨立迴脫纖塵宇宙爲之高卑日月爲之流轉
四時爲之代謝萬象爲之隱顯名相不壞徧體混全一法不舍
萬象泯默豈非無上至真至妙之本歟後之人睹是相也見精
匪他聞是名也圓通無礙然後知克幽禪師本不寂滅觀音大
士非□□前妙智力中窺多方便謹叙其所以而誌諸石云

蔡州軍事推官 馮世雄 撰

奉議郎充梓州路轉運司勾管文字賜緋魚袋

孫 詒

朝奉郎通判遂州軍州兼管内勸農事權管勾軍

州事武騎尉賜緋魚袋何修輔

朝奉郎充梓州路轉運判官飛騎尉賜緋魚袋許安石
大宋崇寧二年歲在癸未二月五日朝請郎充梓州路轉運判
官兼提舉學事飛騎尉賜緋魚袋謝 鐘 立石

右碑在遂寧卧龍山廣利寺寺在治西三里創始於唐大厯
十三年賜名禪林寺天復三年賜名再興禪林寺太中祥符
四年賜名廣利寺按克幽禪師為開山第一和尚大厯十三
年賜諡有真身塔在寺後會昌中寺廢塔毀天復中重建宋
崇寧二年勅諡慈應大師塔名善濟作記即是時也張康時
華陽人紹聖中進士馮世雄安岳人元豐五年壬戌黃裳榜
進士遂寧轉運判官孫詔安岳人熙寧九年丙辰徐輝榜進

士何脩輔營山人適之孫元豐中進士

宋福昌院牒

高一尺七寸廣四尺一寸勅是牒府九行字體廿
至二三寸不等狀五行行十八字字徑六分正書

寧省陳閩州閩縣福昌院

禮部狀據閩州狀開中縣衙郭永安院與陵名
相犯合行迴避本部勘會存院額係兩陵名相
犯元係本朝勅額今來依朝旨合係朝廷別降
勅額伏候
相推

金

石

苑

宋福昌院牒

崇寧二年六月

閩中

詠奉

帝宣改賜

福昌院為額

詠玉准

帝故詠

崇寧二年六月六日

中太尉右丞吳

中太尉左丞張

右光祿太尉左僕射

右碑在關中福昌院按宋史宰輔表崇寧二年吳居厚拜右丞張商英轉左丞牒中右光祿大夫守左僕射不書姓者當是蔡京也京以元年拜右僕射二年轉左亦見宰輔表

宋重刻漢車騎將軍馮公碑

石通高八尺五寸廣四尺三寸十四行行三十六字字徑二寸餘者額上行
行五字字徑四寸篆書後存十三行行六十六字字徑八九分正書下端滿

漢故車騎將軍

馮公生碑

金





石

苑

宋重刻漢車騎將軍馮公碑

宋宣三年五月

澤石

君諱字皇卿幽州君之元子也少耽學問習
父業治春秋嚴韓詩食氏兼律大杜弱冠詔除
郎還任郡歷諸曹史智郅主簿又官掾功曹
舉孝廉除右郎中蜀郡廣都長通直崇亂以德
綏撫仁沐行到官西載功稱顯著郡察廉吏
州舉尤異遷犍為武陽令誅疾彊豪以公去官
郡廣駕治中從事辟司空府侍御史御史
中丞習使徐楊二州討賊范容朱生徐鳳馬勉

張嬰等口迫州郡進兵正法復辟司徒府廷尉
左鹽正治書侍御史廣漢屬國都尉隴西太守
坐問吏口司不分去官以羗騷動為西府所表
復家拜隴西太守上病辟同產弟徵議郎復治
書侍御史口尚書遷東太守廷尉太常車騎將軍
卓征五溪蠻夷黃加少高相法氏趙伯潘鴻等
斬首萬級口以溺以千數降者十萬人收逋實布
卅萬疋不費官財振旅還師臨當受封以譖言

奏河內太中常侍左悺弟坐遜位拜將作大
匠河東尹復拜廷尉奏荊州刺史李隗牽陽太
守成晉太太守劉頊不宜以重論坐正法任
左校後詔書特賞拜屯騎校尉復拜尉奏中臣
子弟不宜典牧州郡獲過左右遜位永康元年
十二月薨一要金紫十二鉅艾七墨綬
將軍體清守約既來遜基遺令墳塋取減刑而
已不造祠堂可謂履真者矣恐後人不能紀知

官所吏歷故石表續以哭來世
孝桓皇帝以命將軍討此疆萬有桓桓烈烈之
婆回誦為桓

濟遠 馮將軍舊碑後序

馮公靈跡吳効梁人受其賜為日久矣獨墓銘不知所在果自
崇寧改元未守宏梁下車之始躬率僚佐敬謁
有禱祈無不立應衆嘗感其錫祐顯著於衆口者多每與流江
知縣奉議蒲希尹更訪其事實誌其
功德一日邵進士
李權趙甫或得其碑於史君鄉南陽村字畫點畫雖漫滅殘缺

然猶踴躍可辨而李權來告□□曰

馮公墓銘埋漫于坊

土者幾十餘年今方得之豈非

神之靈異待公而顯乎

果甚嘉其言而李權當年預鄉薦趙肅登進士第

神之

靈効茲焉□□

自得其銘之後一郡之內年穀□豐歲無荒歉

人少疾疫

神之降福已昭昭然夙夕於此懼無以報

神之所賜一日而渠之鄉官民吏董察宣義等列狀□□

神之豐功美績曰

應民□即東漢之名臣生有功於國

殲有患於民國宜褒優願加爵命果乃應其誠而為之申請蒙

朝廷將加王爵

先賜廟額曰濟遠茲可以見

神之顯効豈小補哉采竊

恐其歲月深遠碑銘浸滅不足以彰

神之休功遂與縣

宰蒲希尹命工增葺□□□勒舊銘于石以為後人之榮觀

噫□明正直依人而行者神也 馮公之靈信亦有所待

矣崇宣三年三月初五日歷下張 東 謹序

進士張鈞鄉貢進士杜常進士丁權同撰字

進士任忠亮□丹

將仕郎州學教授安 沈纂額

從事郎軍事推官蒙 汲監修

奉議郎知流江縣事賜緋莫袋蒲希尹立石

朝奉郎知渠州軍州兼管内勸農事飛騎尉賜緋

魚袋借紫張 東

右碑在渠縣北三里龍驤山濟遠廟前趙明誠云以范蔚宗
後漢書考之史云字鴻卿而碑云皇卿史云初舉孝廉七遷
至廣漢屬國都尉拜御史中丞順帝末持節揚州諸軍事與
中郎將滕撫擊破羣賊今按碑自舉孝廉至為廣漢屬國凡
十一遷而為中丞與督使徐揚二州討賊皆在為都尉前碑
云討賊時坐迫州縣正法而史不載又云為隴西太守坐問
吏事旬不分去官以差駭動為四府所表復家拜隴西太守
而史但言遷隴西太守史云為遼東太守徵拜京兆尹轉司
隸校尉遷廷尉太常拜車騎將軍以碑考之親為遼東太守
以前嘗為治書侍御史遷尚書遂為廷尉未嘗拜京兆尹及

司隸也史云振旅還京師監軍使者張敞承宦者旨因奏經
會長沙賊復起攻桂陽武陵經以軍還盜賊復發策免而碑
云臨當受封以誣言奏河內太守中常侍左悺弟坐遜位史
云復拜廷尉時山陽太守卓遠以罪繫獄經致致其死遠故
車騎將軍超之弟中官相黨共誅章誣經坐輸左校而碑云
表荊州刺史李膺南陽太守成晉太原太守劉瓛不宜以重
論坐正法作左校亦皆不合史又云爲河南尹時上言舊典
中官子弟不得爲牧人職帝不納拜屯騎將軍復爲廷尉卒
於官而碑云復廷尉奏中官子弟不宜典牧州郡獲過左右
遜位永康元年薨亦當以碑爲正碑又云經謚爲桓史亦不

載史之失實大率如此予謂石刻當時所書其名字官爵不應差誤可信無疑閱此碑可以訂正史之訛竇刻類編曰親終於廷尉而以將軍題碑首者以金紫之貴也張稟崇寧中知渠州杜常渠縣人崇寧五年丙戌蔡薺榜進士張鈞字子和紹熙四年登進士乙科授迪功郎主洋州西鄉縣簿知漢州什邡縣事通判瀘州果官至潼川府路提點刑獄兼提舉常平事改轉運判官見鶴山集張公墓誌銘安忱崇寧中進士蒙汲合州人元祐中進士蒲希尹崇寧中知流江縣

東劍南東川靈護廟記

石塊高八尺廣五尺四寸五十行行存八十三字
字徑七分五釐額八字字徑六分五釐書石下方殘缺

劍南東川靈護廟記

劍南東川靈護廟記

崇寧二年十一月八日劍南東川被

旨以唐東川節度使檢校太保同中書門下平章事

顧公彥亮口口口從其

弟檢校司空東川節度使彥輝祠載在祀典粵十一月二十一

日奉

勅宜賜靈護廟為額從所請也

命下之日郡人歡呼

金

石

苑

東劍南東川靈護廟記

崇寧二年八月

中江

鼓舞相□諸守□王吉甫求文以□其事吉甫辭不能文而郡
人勸請不已乃採其興議□□故實以為之記曰□□□□
□□□□□□□□□□□□□□□□□□□□□□□□
害唐室之衰朝綱弛素號令不及於王畿禮樂征伐自方鎮出
大者連州數十小者憑城負固以衆併寡以弱臣強天下日尋
於干戈而東西□□□□□□□□□□□□□□□□□□□□□□
民立□□□□者□矣是時王建凶暴掃二十萬之衆橫行於
成都□閬之間甲兵犀利所向無前磨牙礪吻有吞噬并包之
心 顧公伯仲豪邁英傑□□節旄為東□□□□□□□□□□
□□□□□□□□□□□□□□□□□□□□□□□□□□□□□□
太保□□□□□□□□□□□□□□□□□□□□□□□□□□□□
之以貨□申之以婚□卑

辭厚禮求得其歡心者無所不至蓋欲□□緩師與民休息以
紓患爾為此者所以詭與之合也既而□之以財幣則不得免
焉結之以姻□則□□□□□□□□□□□□□□□□
□□□□之□□擊輻運以沮其懷悍□□之氣為此者所以
顯與之絕也昔古公居邠狄人侵之去之邑于岐山之下居焉
從之者如歸市子思居於衛有齊寇□□□□□□□□□□
□□□□□□□□□□□□□□□□□□□□□□□□□□
則盡臣道以政其身而已方建之圉東川也公豈不知棄
城□□以自全邪乃獨抗節固守城在與在民亡與亡以至力
竭□□□□□□□□□□□□□□□□□□□□□□□□
然雷□雲□珍

紘□□□所在皆是也吾何行如之是則古公□□山□水滸
以□之速不可□也明矣況土地者吾所受於君而有之
者也人民者所與保此者也□□□□□□□□□□
□□□□□於□□生而取義者吾之節也公雍容詳緩
有儒者風豈慕子思之居守者乎真可謂仁者之勇也嗟乎

太保 司空之志節如此而史傳不深惜其本未得□□

□□□□□□□□□□□□東川士人□壽朋等

狀列 公之行事□□前後連名叙述上聞於 朝

廷下訴于本州者多至千人少猶數百章累上而每為執事者
所却壽朋等□□於□□□□□□□□□□□□□□□□

□□□之間未始一日而急于陳請也秦漢以還下暨唐季守
茲土者莫知其幾何人寥寥千載廟祀血食者惟公伯仲
豈非功德之被於人者深□□之表于世者著而□歟不□□
□□□□□□□□□□□□□□□□之若是也□按都□

顧公祠宇郡人呼為二相公廟乃疇昔□广□□之

故基當建攻城垂破之日司空率將佐親從會飲于□堂

□□□□□□□□□□□□□□□□□□□□□□□□

□□於賊也太保有□□□民之功司空□□□□

□之□心□□□東川忠蓋餐於王室既沒而東川之人思之
為之立廟於死事之所歲時奉祀以迄于今□□□□□□□

高祖之追甄□□□□□□□□□□九唐□□降香為民祈禱□漢
而廟額未崇祀典不載將何以旌偉績於既往揚芳烈於無窮
又且何以□□□□□□□□□□□□□□□□人□□□□□
□□吉甫到官視事之始觀風謠問耆老□□□□□□□□□□化民無疾苦
□□□□□□□□□□則曰畏吾顧公之英嚴不敢犯也設有
爭者不訟於官府而質於廟廷往往□□□□□□□□□□□□□□
□□□□□□□□□□□□□□□□顧公之□□□□□□□□□□不敢為也苟有盜者不
報於司寇而祈於祠下往往應祈而必得也倉廩完實而無耗
暴之患則曰顧公之禁止雀鼠使不得啄食也遺境安靜

暴之患則曰

顧公之禁止雀鼠使不得啄食也遺境安靜

掠也以

也野無

之門一

三

□ 屢請

照

☐ ☐ ☐

西伯

之表清

也必有

功於民則祀之以死□□□□□□□□□□□□
□□□□□□□□□□□□□□□□□□□□□□
令出於天子而載之典冊故謂之祀典非其所
載而祭之名曰淫祀淫祀無福然則紀載冊書而以時祀之其
為禮命顧不重歟比□
文□繼以□□□

□□□□□□□□□□□□□□□□□□□□□□
未□□□□□□□□□□□□□□□□□□□□□
夫祈禱有應而
不載祀典者各以名聞于
朝廷□加□□以助生民

之福吉甫詢考
二相公廟神靈顯著之迹□□□□□□□□□□

□以一惠之義不敢□□□□□□□□□□□□□□□□□□□□□□

□□□□□□□□□□□□□□□□□□□□□□
察判官廳公事崔瑄□□郎□□節度判官廳公事

何宗韓節度推官宇文□□祈請□庇民之大□祈禱有應靈

述以上之

述以上之

○曰不○○定于太常曰祀也○○

□□□□□□□□□□□□□□□□

□是乎○○

□□

[illegible]

口是乎口口

□ □

僉曰然乃具以聞

制曰可於是郡人相與口飾廟宇而題之尚祈

靈德口口

覆照俾雨暘時若年穀順成災害不生口無天惡以眷

崇禮命之意恭惟

太保

五口

節以死事沒而廟食於此土擇惠

於一方口口門口永隆無口困非寡聞鄙陋之人所能口次其

婦歸也吉甫後

司空二百餘年假守東蜀敬覽耆朋等口

保

司空

盡節之後親屬棄吏從

公死義皆無在者史筆但憑怨家

仇人所記之事□書之簡試略舉其行事之大者一二以明之
則其餘可以類推矣且如本傳稱□□□□□□□□□□□□

□□□□□□□□□□之師以撥亂反正乎此其勲烈之尤著

者庶幾乎桓文之□□固當□□□□以示□□而其所紀述

止如此則於勸善揚功之義缺矣又如 大保被命節度東

川□□□□□□□□□□□□□□□□敬瑄之罪

固不容誅而嫌隙之端亦啓於此矣他日王建□成都□敬瑄

以 太保與建并力告難於朝前嘗奪節見誣今其告難之

辭詎可信乎至若王建率兵二十萬□□□□□□□□□□□□

□□□□□□不解又遣李洵諭止而建復拒命則不臣之
罪在建而不在司空也灼然矣又書梓州園急司空
顧王宗□曰可自求生指顏垣令逸然則將仿之欲逃逃者豈
無可□之□□□□□□□□□□□□一人苟免者可
謂能得士心生死共之矣今乃書其誓約曰□□□□□□賓
□□□□□也乃與請欲死難之事相矛盾矣善乎王肅之評
桓公殺公子糾召忽死之而其辭有□□□□□□安於淳厚
每□□□□嘗不歎美其言之是者而三復之以爲篤論之君
子也士之以身許□□忠□命斯□□矣而好事者乃以無根
之語疵之異夫君子成人之美其亦近於薄矣又書城破之日

察□□□□□□□□王建之後□□□能摧堅陷敵而謂

司空之無能為爾且禽困覆車古人嘗有是喻豈□握七萬

□□□□出□□□一旦之勝負顧乃安坐圍城之中以自盡

者乎此雖愚庸無復計□之□□□□□謂 司空一□

□□□□□□□□□之兵恭行天討師之所至如摧枯拉

朽未有不因□□□□兵□□□而□□□□其□□同心

與夫士卒之衆死□□事矣至於守禦拒敵窮□危困然後□

□□□□□言以及之何□□□□謂□傳所□□□□□

□之辭若非憑怨家仇人之所記必不如是之甚也□□□人

而□□□□□□□□其□□□則詢考之際一憑於仇

人之辭而已苟欲加誣何所不可聽□者或不能悉其□□
□□□得其□也□□□□□□夫由是益知書傳之不
可盡信孟軻亦嘗曰吾於武成取二三策而已是誠有痛於斯
言其或徇名顧義視死如歸者此固天下烈丈夫之□□若處
之不得其當□—死□□□□□□□□□□是□□生
之□□□□□□之最難者也世□□□□□□之士□□顧身□
□□□□□□□□天下之為人臣者□□□□□□要□濡忍貪懦
之夫方且竊笑而心非之甚者□□□□□□□□□□□□
□□□□□□□□□□而□□也昔杜牧圍□□使君□沒恨
不□□□□□□□□□□□□□□忠義所□古今同

司空□□□方沈淪於下□于茲有年矣□□□□
□□□□□世發□□□□□□□□□□□□
□□為宋有休光□□而□以明□然則昔日之沮抑乃所以
啓今日之□□□獨為今日之光榮□□以□□百代而不為
也至若巡遠□□於睢陽□□之□□□乎 司空仗節
於□□□□□□引張□□□□□□之功存識慮之所□必有
能辦之者是以不文□□□□□□又稱□□死□而言之
□□□之自貢於□□□豈□軍人客聞之慕義而□死者五
百餘人太史公高其事□士之死□□□於□睢陽□□□
吏三十六人之□□降同日□害□中□□其功□□□□

伊□□□門 公在危城之中將佐門生倍以死而無異心

及圍且急咸同日以徇□□□之感人也如是由是觀之非獨

□□□□□賢也而其寮屬亦皆天下之節士也夫夫也豈斯

人之徒□可以無愧於田氏之客及睢陽之將吏矣於是又知

公之能得士也崇寧三年□月二十三日朝請大夫攝知

梓州軍州兼管內勸農事□□□□□州□□□□軍兵□

巡檢賊盜公事騎都尉借紫王吉甫□

□□□知□州事□□□□□□□□□□□□□□□□

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

右碑在三臺縣記唐節度使大保二顧公也按唐書顧彥亮
作孝明豐州人光啓中擢拜東川節度使檢校太保同中書
門下平章事弟孝暉漢州刺史會孝朗卒孝暉自知蜀後明
年爲節度使景福中詔進孝暉檢校司空東川節度使豐州
刺史王建將華洪率衆五萬攻孝暉凡五十戰孝暉手殺妻
子乃自刎宗族諸將皆死之旣歿而東川人立廟於死事之
所歲時祭祀記與本傳合王吉甫字公憲同州人舉明經歷
大理少卿知梓州歷提點梓路刑獄亦有傳

宋沈博毅大書靈來二字

石高五尺廣三尺七寸徑一尺九寸在一行九字右一行六字字徑三寸至六寸不等正書

崇寧四年九月十四日

靈來

夢溪沈博毅書

右碑在榮縣南武安公廟廟祀漢靖侯龐統據宋榮州刺史
石緝記僞蜀廣政七年有寇大掠榮昌民恐甚州守命賈全
勝率鄉兵討之道由銀山衆畏懼不敢前相與謀曰賊衆我
寡勢已不敵非得陰助不可遂禱祠下卜之吉衆喜鼓行而
前賊聞軍卒來震響山谷登望駭異遂潰眾德公助思所以
報公者乃折廟址丹山棗一枝植之默祝棗活建廟祀公已
而果活卽植棗之地立廟焉時著靈異禱祀響應至今崖上
鬱葱盤偃者乃當時約植之棗也茲所書靈棗殆謂是歟

宋開元寺文軫等題名

高一尺四寸廣二尺二寸十二
行行九字字徑一寸五分正書

開元年冬與表弟
奉郎李益侯聖舉
直郎李仲侯君宜
往開元寺觀軫先同
邵守李同林所不
阮北崖正觀時今
文軾施造經像極

金

如

苑

宋開元寺文軾等題名

大觀元年

鄆州

緻歎其歷會昌而
完遂約金彩繪飾

聖舉君宜

畢事朝奉大

夫文

次年記像下

右碑在縣州治北一里天池山麓按文軫縣州人元和中進
士傳經演易與文儒同厯贈光祿大夫李仲侯有墓志銘見
前

宋宋京詩

石高二尺二寸廣一尺七寸九行行十
四字字徑八九分至十餘不等行書

成都宋京宏父大觀庚寅冬題
資州城郭雲山裏北巖正在雲山底
翠壁嵌空抱日明飛閣橫斜直
遊人祇解愛城郭不知山底幽人樂
六月全無暑氣生三春亦有林花發
蒼楠臥月影如輪乳泉濺電波生鱗

利名付與百忙者早晚自由無事身
紅蓮幕下青城客五斗留人歸未得
衙迴不用展山圖直到岵邊看秋色

右詩刻在資州北巖按宋京雙流人崇寧五年丙戌蔡凝榜
進士父承之有二江先生集見全蜀藝文志

宋東京題北周文帝廟詩

石高一尺一寸餘廣二尺二寸許七行前一行字徑寸五分
六行字徑寸行書跋八行行十八字字徑七八分不等正書

大卿宋公留題周文王廟詩

成都宋京宏父謁

祠下壬辰仲夏月

征西將帥念君王刻石巴山事渺茫千
載衣冠付冥寞路人無語奠楸枰

典章文物一朝完有子何憂霸業難

仗阿堅生肉角至今遺恨碧峰寒

中使事時通口後周文帝祠口
廿七年矣悅錄口雅宜有神物護
如新美來口陽安口
覽前人題紀始見手澤感
題字在龜石座凸處不容於刻因口
代思雨剝蝕之患且為新廟崇觀云銘
興九年口月望日男右宣教郎知簡州陽安縣

事茂書

右碑在簡州西北七十五里陽安縣西魏置改牛鞞縣置武
康郡治隋屬蜀郡唐爲簡州陽安郡治元至元中省入簡州

宋藏真崖銘

高八尺八寸廣五尺八寸五分十七行銘七行行十七字字徑三十
餘引八行行三十字字徑二十寸署創二行字徑寸餘正書上端洲

藏真崖銘

朝奉大夫管句江寧府萬宜官廩通文 女李仙策頓

奉議郎賜緋魚袋康肅書

政和三年歲次癸巳秋八月二十有九日始平龐適伏謁

子言朝 乘公濟 於公堂高會累日二公從容謂予曰陽安江山
冠於西蜀 游覽之勝 有區處邇赤木而上又得一巨石馬如屏如幃
如虎踞如龍蟠 奇伏恠 名也前此未之嘗聞盡往觀焉於是挈舟而進
二公 嗟乎世 辟人辟地若吾蜀之嚴李谷口之子真者使斯
世而 子雲則 與草木俱腐高節妙行雖欲傳於天下不可得
之通 久矣 歸願聘之中以自顯於林泉勝槩之表亦奚異
者耶 老矣尚 上世俗語請揭之曰藏真之崖而屬之以辭云

赤水之側崇崗嵯峨石挺奇質其奇云何斗
旋幹以中建口旁舒而陂陀駿植松檜帶縈
熱蘿○蛟伏怒以蟠屈列士奮驍而揮呵望
之若可畏也秋濤洶洶於江湖之渺迫之若
可御也寒雲勃勃乎衡崧之阿不轉不泐可
鵲可磨吁勝覽之雄特信斯銘之不訛

右摩崖在簡州西五里絳溪西岸石壁州志云有宋開禧狀
元許奕書藏真屋三字此銘爲龐適撰適雙流人熙寧中進
士序中子言嘗是張子言政和間任簡州陽安郡守見東崖
江岸題名

宋重修白鶴觀碑

石連額高六尺三寸廣四尺二寸二十一行行每二十八字字徑寸餘行書額三行行二字字徑三寸行書下銘殘缺

重修白鶴觀記

承議郎知簡州平泉縣事句 於

重修白鶴

平泉縣郭東門內白鶴觀據鳳翥翔翔形勢極仙客高潔聲名和而毅和木茂枝葉扶疎地靈濟祈信驗氣象輕清虛凝爽壇廊廡斷續草侵庭戶鼠市於靈良可嘆息政和四年甲午夏愴然乃系諸道衆論之曰茲宜為國儲祥之地邪何某涼輝寧如此已甚也知觀張洞微曰唯唯於宜為民祈穀之地邪何某壞壘損如此已甚也張洞微曰唯唯於其業者無避其事任其責者不辭其勞早為之所俾勿壞張洞微曰敢不勞民費財然適為之張洞微曰敢不從說故起工於五月庚巳已用力少而見功多費用省而成功速殿宇齋房

金

石

苑

宋重修白鶴觀碑

政和四年六月

簡州

觀記

天神象煥燦備物然成輪迴天道以虛無為宗以清淨為本靈
福甚禍淫為應震耀報殺為權消息為虛為度運行不息至公無私
子貢曰天何言哉四時行焉百物生焉 廣成子列御寇曰天豈
聽乎難窮而易識自去

聖賢化天下訓法合未嘗不曰天而立教也創是觀者無乃其
教寓道託法於靈壇異跡之地為一方勝境耶不然水旱可以祈
以保壽算如是之應也謹誌興修歲刊之於石而傳之不朽庶幾
弘永四年六月二十六日記

朝散郎致仕賜緋魚袋李 璣書

右碑在簡州西平泉廢縣按隋開皇十八年移婆閭縣治賴
黎池屬益州唐改簡州元至元中省入州李鴻大臨子通達
明敏吏事有能名尤工書見費著氏族譜

宋龍洞碑

石連額高八尺七寸廣三尺七寸十六行行三十六
字字徑寸五分正書額三字字徑八寸篆書旁文

龍洞碑

資為左蜀支郡龍水為屬邑風俗淳厚不仕則農耻為罪故
言秀民者必曰龍水蓋山川炳靈所鍾異焉子始至廣下非
以日日與者從笑如在禪房道院蕭然忘流落之
也會歲畢祈有龍洞者多靈感懷民不
至走祠下肅致誠懇執事者方陳牲甘雨已注風雲雷
電出入所在俎豆者莫不悸恐自必應以
誠叩高邈如形話言也前不稔比閏閏既獲豐年

金

石

苑

宋龍洞碑

政和五年正月

二

賓州

民思有以報於是開拓故基夷其丘垤實其豁壑然後共平如
砥以新締構焉凡為殿三掖以斜廊環以□廡對峙二間以載
寶鍾以藏玉笈南建重樓下開三門精□□□清□□□又居
其東無一不備者昔之丘土□莽化為嚴淨上聖高拱羣仙列
侍□□瓊奇金碧明煥□之峯巒回抱巖洞邃深神工天設□
治以後其源又甃其中□為祠堂以堦龍像北對洞門創□广
以便款謨父老時以荅□□□如此則神之降福於是邦也何
有窮□乎予游四方所見名山勝地必遠人地山水雖奇矣土
木之工未必稱是土木稱是矣未必有惠利及民乃若龍洞則
近附城郭山水□絕土木□□一念有禱油然作雲不崇朝□

及千里豈尋常遨遊宴賞娛耳目之地哉古語有之謀事非難
作事為難作事非難成事為難子以謂成事固難矣至於不私
一己志在□人不待賞罰之□不為謗毀所搖而能成事者尤
可以為難數君子者經營不倦可謂賢矣華陰□□記

大宋政和五年歲次乙未正月十五日建

右碑在資州龍結鎮按資州志載全文結銜有華陰楊捐記
今碑於華陰下姓名二字並泐

安龍洞碑

石史額高九尺廣二尺九寸二十五行行五十
字字徑八分正書額三字字徑八寸篆書陽文

安龍洞碑

政和二年冬蜀無雪迄明年夏五月雨不濡土民始告病宰吏
惴恐龍水縣尉□損為其民□祠於□□之下往□夫□□丁
大主明日□之老稚歌舞乃以其事白郡大守張公稟公顧念
三邑澤未均□□□□具詞遣司儀曹事楊衮不遠百里告
于其神□神□于幽有時而顯豈屯其施曲惠被民祭之明日
雨及千里歲以有秋洞在龍水縣治西北二里東西百尺南北
過之當二山口抱關壬坐丙向前峯對峙如闕正置龍溪仙家

所謂陽洞非魑魅妖恠之所憑□其下昔有淵潭深不可測堙
圯者三十年□而邑之前令所建祠堂與磨崖饒碣所著神應
具在邑人德其賜相與禱請浚治廣其故祠傳道士掌之損以
邑人之意告司士曹□□京請錄其實京凡再辭不可則謂之
曰

天子以民社付之外臣不以險遠叢陋而殊其治

上帝以山川畀之神君不以恍惚茫昧而闕其職隱顯雖殊其
為民望則一也民有休戚利病達於

君而求伸明則訴之於吏幽則禱之於神吏有賢否且數易故
民之望之也輕神聰明正直依人而行其居不遷其事無□□

□□望之也重民雖輕於望吏而吏能不鄙夷其人愛之如子
恤之如家不以亟去而怠忽其政乃能稱

天子之意神知民之望於我重而旱澇蚤鼠非喪之能却感即
應求即與乃能契

上帝之心是 □神□比其職相為始終猶陰陽之共成歲功
也資為左蜀支郡龍水為資下邑川谷回遠行旅少至故為吏
□□而不□□其民□□□士才而文其山水秀而深其風
物柔而麗故來者必樂之吏安其土則能□其民神享其□□
□□□□上下孚悅神人歡欣則雖天下之治不足為笑又以
前崇寧尉范慄所記遺事來示言□□□天禧間有邑官以

索□□□□龍□潭水為異物攫而入其家啼呼環守之
夜有擲書於岸者視之女封□也言受□為龍偶願無悲戚已
而鱗鬣□□□□□乃羅甲□□左見女子泥
石理髮奩具甚異嬪侍皆姝美甲直前視之皆去入潭間遺釵
鈿石上若膠漆□□□□人常白言□此有神
龍去生異國聞者非笑之然自是潭面淤塞矣慄又言凡歲旱
必禱禱越夕必雨雨□□□□□縣以龍
水名始隋義寧二年唐如其因或曰溪彎曲如龍形又瀕江之
地多以龍名豈昔有龍居之□□□使龍而去則不應有是
□使其居此則不應淤塞其宅宋子曰嘻耳目之間接不及

於遠外者人與物也龍既神矣其□□視其居如弊屣其應也
雖千萬里苟誠至必達焉如以己而度神則陋矣既為序其事
復系之以銘又得尚書郎張察篆其□□□□昭昭神君與造
物偶莫之制蓄潛此豐蔀一勺之水中涵太虛或時變見不有
厥居山中之人識其故處中浮羔豚恍惚如遇爾欲麥禾我雨
濛濛國既無瘠繁誰之功爾欲秬稌我雨渾渾滿既無殍繁誰
之德神君欲來雷鼓填填蓀撓蘭旌騰騰後先神□至止□□
環起榼酒桂漿肴錯珍美神君既去山空月明活活源泉揚我
德聲咨爾父老及其孫子無忘神君臨若慈父神君□歸黃谷
□左□□□山為重淵

宋政和□年歲次□□冬十月十五日建

右碑在資州無撰書人姓名文中云京請錄其實京凡再辭
不可又宋子曰當是宋京撰按張察唐張九皋之裔隨扈僖
宗幸蜀傳二世曰載揚生維峻維峻生起寶元中進士太常
博士生太寧治平四年進士知邠漢渭等州四入爲尙書三
使持節遷陝西路都轉運使生察以大小篆名入爲左司郎
中出知鼎州見費著氏族譜太守張果見前馮將軍舊碑後
序蓋自崇寧初元來守資州至政和三年尚在任也

宋龍洞碑殘石

碑有石方下清高四尺三寸廣尺六寸
五分十行行二十九字字徑寸餘行書

邑以刺未嘗有育此異成也
吾州提縣四獨龍水為小邑而士之有志力學敦廉隅尚義節愷繁以取利
歲也意其溪山清澗之氣涵鍾在人而英靈秀發殆非偶然者今楊侯又得
嚴氣象呈露頤埤以與此邑增榮耀於無窮豈特行為阜穡澤及一方而已
若援中若定率之遺惠於將來而人之情多見於耳目之所及而不見於耳
運議而達為之所謂事者殆將委靡泯然茫乎無聞者皆是也
與成之宜乎間有不豫者惟始而疑終而豫也而憂然後知楊侯之不負於
字益老博學而能文聰明而敏茂于釋自都下過龍水一見而交莫逆且頻
嚴之名得侯而後顯郡太守之賢又德亮而成之是以事立功完而惠利之
因喜書其事并告邑人焉政和六年正月望口資中趙宋亮記

壯志雄圖

右碑亦在資州志失載記中云楊侯疑卽前華陰楊相記龍
洞碑者趙宗堯宣和初通判閬州

東知縣程公政事記

石高三尺九寸廣三尺四寸三十行行三十一字字
徑七八分行書額高 廣 行七字正書

知縣程公政事記

知縣程公政事記

父林郎前果州州學教授劉 時 撰

治者君也求所以治者民也推君之治而濟之民吏也九曰吏
均推治以濟民而尤切於撫字者惟令為然令得人則百乘千
室被其休否則政治弛而敗蒙其害者豈淺耶故在昔郎官缺
則擇常任縣令者補之而內外官五品以上者則取之以為令
於則令之為任重矣哉未水之為邑距州百里介兩山之間撫

七鄉之衆其疆封為狹小也於民淳俗易樂於奉公其詞訟眇
他邑最為寡少故來者率易之以為不足治而治不加力敝弗
救傾弗支而民因得以為藪焉蓋一邑之衆不無詐慝亂常者
以幻誘良民是政多為隱寄苟避賦役僥倖之徒泰然自足而
困後傷財者有不得終養之患以是為病蓋累年于茲矣惟
程公以高才碩學俯擢科第下車敷化風動神行巨德清操是
以燭幽隱之情鎮浮薄之俗前所患者於是迪之以善示之以
公俾之白首而原其臯簡不率者乃力治而痛懲之故慢多因
上之使電滅影息而下民無後復不均之歎占籍之戶皆止二
百五十有八今而歸三等復版圖者乃至於三百七十有三用

度不乏征役以均故雖西南小醜跳梁閏月而吾邑之民副軍
須充遣役者皆樂輸而无怨自非刺裁有道未易以此待邑仕
也迺者掌教南充稔聞士大夫之論交口而誅程公之美歟矣
暨得解還舍入其境亭館嚴潔儼若公宇固已欽服其為人過
其邑眎梁仲若虹塗平如水乃繼之以嘆曰嗚呼吾邑少淑陋
今此一新倭人意奪神駭信乎公之所為果有以大過人者故
併書之以告後焉

普慈 程公以兼人之資治吾邑百里之眾剗

割剖析游刃恢然錯節盤根物迎縷解三年于此
吏畏民懷害者除利者興淑者以新蠢者以振事

有益於民雖艱必行作有撓於法雖微必去以故
爭訟裏息姦宄不興內外肅然靡有無事焉隱寄
之叔蠹政之尤者

公灼見本原懲之以法簡

孽除根民咸受賜是宜鄉人

劉當可樂為道之刊以翠琰俾傳無窮夫隱寄一
事尔何足為

公政之善是不生避賦調賊良民敗法亂政而每
難於省察者也舉難之善其易可知異時操是以
往治一國宰天下經營施設裕於有餘茂業殊勲
且將書竹帛藏王府矣蹄涔尺澤詎可展吞舟之

志武政和六年五月十五日邑士呂□謹題

邑士熊粹弟呂獻明臨劉熙句豐景聖

□ 刊石

右碑在蓬溪縣東南二百里龍多山據劉時行記中云時行
邑仕也有掌教南充得解還舍之語當是蓬溪人程公爲赤
水令赤水合州與蓬溪接壤記普慈程公政事而不記其名
字似失之太略

宋李孺人鄭氏墓誌銘

高八尺廣三尺七寸十六
行行六十字字徑一寸行書

宋故朝散郎孺人鄭氏墓誌銘

承議郎前合州石照縣丞管句學事任忠厚
撰

朝散大夫致仕李騰書

中奉大夫直徽猷閣提舉西京嵩山崇福宮

賜紫金魚袋張察篆

朝散郎巴西李洵直將葬其孺人鄭氏泣謂其友任忠厚曰哀
乎天之奪吾助也鄭歸我四十一年吾親悅其孝吾兄嫂喜其

順族黨善其睦閭閻肅然上下咸宜之不知其何以致此吾平生飲食必適口衣服必稱體皆不戒取具祭祀賓客中饋酒食靡不豐潔若不知其所自來考厯官二紀餘旦出莫歸汲汲於公至門內事漫不省問然未有一不如意者自吾妻之亡雖有兒婦皆幼未任事吾始稍稍親家務如秦人入齊境一二以問其風俗願吾衰矣豈堪此也追思平日家居之逸殆不可復得多以是重哀吾妻之亡戚戚有不能釋者今窀穸有期子為我銘其墓而慰吾悲可乎忠厚曰予從洵直游三十年知孺人之賢詳矣敢不銘按鄭氏之先有暉為唐賢相其孫從革仕僖宗朝為御史從狩留蜀遂家並之濛陽至孺人七世矣曾祖植

不仕祖行簡以隱逸被 詔不起父檄邛州安仁縣主簿孺人
年十九歸洵直未暮年先姑即世孺人哀毀如喪其親舅銀青
公治家嚴肅孺人奉侍勤謹家事悉整肅示以善其意與洵直侍
銀青倖廣漢歷守果邛二郡暨得請還里至捐館左右奉養如
一日銀青每稱曰吾家孝婦也既而偕洵直宦游所至量俸入
爲出其取養未嘗求土物之所無惟恐毫髮侵漁於民也洵直
於官事有持疑未決者輒參訂之洵直所至見謂廉幹孺人有
助焉性仁厚樂施予親族鄉黨多所假貸視其貧甚者每爲折
券外甥梁元輔三歲失母依于外族孺人撫育教誨極有恩意
元輔年十四始歸其家後以上舍擢第歸拜孺人感泣不能已

徇直當令遂寧之蓬溪有為匿名飛語欲中傷之者物色未得
邑有校胥屢以辜犯被刑孺人責其所為以告洵直洵直詰治
之果叩頭服罪孺人性雖仁愛其智案又穎此年五十九以宣
和元年五月十四日卒于家二年庚子歲三月九日己酉葬已
西縣左縣鄉宋武山下先塋之次孺人男女各二人其季者皆
蚤安今一男曰廡夫郡學生開興有立一女曰幼閑在室孺人
始封善安縣君後改曰孺人今又當封安人云銘曰

柔惠令淑

是謂婦德

專其內治

又婦之職

或靜以柔

而職弗修

或善其治

德則不侔

婉婉孺人

來相高門

令德在躬

中饋是勤

邇尔承嘗

豐其甘旨

宗族咸宜

賓客燕喜

俾尔在官

績譽有輝

頽齊万年

中壽遠止

德音之垂

為來者規

我銘其墓

以著閭閻

右碑在綿州治南六十里古巴西縣之左綿鄉宋武山接李
仲侯字洵直見李安仁謨墓誌銘任忠厚鄭縣人政和二年
壬辰莫儔榜進士有文名一時英俊願與之交官至二千石
見明一統志李陽大臨子見前白鶴觀碑張察見前龍洞碑

宋李宜入鄭氏真贊

高六尺一寸廣三尺十行行二十字字徑二寸七分
二十三十六字字徑一寸四分四行行五字字徑五寸八分

宋故右朝請大夫宜人鄭氏真贊

宋故右朝請大夫宜人鄭氏真贊
右宜教郎新奉差成都府路轉運司典史張文子張文子

宋名朝請大夫宜人鄭真贊

粵唐名相 萊陽之孫 從狩于蜀 始止彭門 逮于五世
高蹈丘園 恩詔不起 流澤來昆 屢闢鍾勢 宜有本原
佐娘君子 聿修婦事 甘旨烝嘗 無替中饋 以藥以住
靡不當意 睦姻咸宜 敦載盡義 上承下協 旌昭厥勤
家無廢札 門無留賓 相爾親夫 所券邦寶 救惠起疾
感動鄉鄰 下暨戚族 熙然如春 信厚自天
珠異乎婦人之仁 惟靜也專 惟順也直 見髮弗教
遇事則飭 游觀是屏 言動惟則 廉恥令終
可召觀德 吁嗟乎其斯為閭閻之式

右贊卽在墓誌銘側誌銘之處又有真贊他不概見惟李仲
侯夫婦之墓皆同按郭黃中成都人迪之子政和中進士見
費著氏族譜魏了翁鶴山集有與巴州郭通判黃中書

宋閬州香城宮五百羅漢堂記

石連額高八尺六寸廣四尺四寸二十八行行五十
字字徑十餘行書額六行行二字字徑四寸正書

閬州香城宮建五百羅漢堂記

香城宮建五百羅漢堂記

朝奉大夫光祿少卿權太府卿宋京題額

承議郎尚書金部員外郎劉湜書

承議郎通判閬州神霄玉清萬壽宮同管勾管勾

學事權軍州事借緋魚袋趙宗堯撰

環閬城皆山也世以城南錦屏為傑特第一余謂香城氣象由

陳氏書巖分嶺而下高大崢嶸形勢岌嶭安生于嘉陵之上而

大像

崇岡

偃蹇對峙若領羊袖回伏盤礴西望錦屏相為表裏

宜有上士異人卜築此地幽居棲隱始足以副是山魁大英靈之氣詢之

果得

二人焉曰畢氏善暉曰羅少明道人始余得倅

閭中迂矣至京師已聞道人之名喧傳三蜀矣既抵閬士大夫稱談不容口日因簿領未暇訪道人而道人自安於山林之莫予訪也間以使令致懇邀過公廡道人始至其目皎然行如飛動赤脚烏髯坐不用榻自言山野與麋鹿群不聞人事既見之已奇且異也即之既久言辯而達浩如傾河語恠假樸道通為一自是相從日熟然非招未嘗至也一日道人惠然肯顧袖出軸文且言山野少時貧甚或遇異人囑曰他日遇香即住見城

則心居無何聞郡之東山有香城宮者達頭跣足因往謁善暉
師二日子非闌子乎曰然師何以知之師曰夜夢子來已具言
矣遂留香城類養道脩行以成夙志而師解衣推食待如故交
怡然相結為道友同發三願二興建香城願度三卅出家願畢
生不近嗜欲葷酒師以去年六月三日坐蛇而去師未去前嘗
囑山野曰巍二殿堂今既就緒唯得貳車權府記其首末刻之
穹碑以傳不腐願斯足矣山野自謂雖方外人然以案梓禮尚
躊躇不敢聞一夕或夢師謂曰向所託求記何不留意邪既覺
遽呼師弟子惟真燃燈伸紙書師平日行業與香城興廢之由
以獻願公無辭焉竊考是宮之興肇於東晉耆舊相傳謂之香

城迄

皇宋建隆之元年仍以香城賜額建慶曆中一為煨爐香火弗
繼後雖有作草屋數間僅庇風雨既而暉嗣先師守和住持避
追道人力謀與大初未有營建之資也後道人歸自西州而成
都臣族大家專介玉閭助施六百萬錢改和乙未首議創建而
將置梓植咸在遠山轉致匪易師期以三日必至乃於靜夜焚
香懇禱遂迺大雨江溪漲溢翼曉木植漂流畢至宮下若有神
明默相之者由是殿宇翕然就功宏麗高廣輝映淨土無量勢
至隨以塑成五百羅漢周列左右以至門楹廊廡厨案館庫翼
然一新靡不完具來者觀者作禮讚嘆蓋師自幼警悟出俗已

驚人或說母康氏嘗夕夢一士被髮衲衣倚門而告曰吾乃香
城羅漢願假一宿母然之因孕生暉初誕之辰白光滿室固已
異常人矣年十歲告其母曰愛河浪闊生死波深願欲出家究
竟彼輩父母異其語從之後蜀守虞公尚書聞其始生異迺求
度為師廉衣而糲食堅忍而重義夜讀蓮經一字一禮手植林
木不憚辛勤常曰東山有衣州人庶富其持心平等類如此計
殿之費僅萬五千緡有奇閩郡衣冠喜捨甚衆間有弗聽師念
一起物二皆至初殿成欲舉梁以落之念得百緡始辦其事翼
日俄有人自蓬池來施三十緡不諭姓名而去向非大善知識
根器夙懷又焉能使人歸信若是邪而少明道人以光明眼照

三界外洪務濟物一毫不以取人故能相與為世津梁作大緣
事茲亦香城有以作興故假二人力以成之也然則興建之自
詎可無記乎乃并為之倡曰 香城朝兮碧霞晴香城暮兮
白雲生境中有物亘長在今古獨瑩寒江清八風不動堅固力
萬牛回首蒼煙平堂二金碧照無盡虎嶺松峯伴月明記撰於
宣和二年正月二十三日道人命刻石立於殿隅之南云

奉議郎知閬州閬中縣事邵元立石

德士何祖成何惟忻刻字

右碑在閬中縣南三里有錦屏山名山志云兩峰峻亘雜樹如錦與郡城對峙若屏故名東山宋太平興國中陳堯叟兄弟讀書於此因名讀書岩又名大象山分嶺而下即香城踞嘉陵江之上與錦屏相表裏碑叙晉宋興廢之蹟及少明道人塑成五百羅漢而志皆未載亦脩志者之疎略也記爲趙宗堯撰宋京書按宗堯見前龍洞碑殘石宋京見前大觀四年詩刻題額者劉湜丹稜人崇寧二年癸未霍端友榜進士碑中所稱蜀守虞公尚書者名剛簡

宋渠州珠山佛現記

石連額高五尺廣三尺二寸五分十七行行二十七字字徑八分至寸八分不等行書額六字字徑三寸餘正書

歲次大和永宗事官司勳史事兼管司馬兵馬公事丁

奉議郎梓州路提舉學事鄭

迪功郎渠州流江縣尉王

渠州珠山佛

佐備負流江時承秋霽每想吾鄉遂宜府署珠山觀音現相恨無親偶學使鄭公按部入境以職事將迎款回趨州至珠山十里使旆不進隨直兵從誼呼於前爭指佛現是日也積雨初晴雲霧梁於山腹間布蕙羅綿傍有兩白臺直上指天中現五色大圓相中有一佛相如水墨像踞蓮華座作大自在聖凡相視無間纖毫躬合掌或設禮拜而光相中人人久見自己更無別觀眾共瞻仰無量異口同音讚歎希有是知佛現遍在一切處不獨吾鄉非私也走卒賤隸咸得見之然則佛之妙相或隱或顯凡夫或見不見幸然哉佐幸慶遇蒙慈惠願力生大歡喜心不異念越三日後送學

金

石

范

宋渠州珠山佛現記

宣和三年八月

渠州

現記

謁天宣住持文璉語以前意璉曰此即珠山也山塢有一刹乃古道
寶珠光相曾現于山猶有見者豈山蘊靈氣不能自秘必乘時顯
為盛世之瑞耶然昔為寶珠形今現為佛光由因果之不同故所見施
異耳實不可思議一天事因緣宜鏡諸石普願隨喜見聞八佛知
佛壽命於無量無邊也宣和庚子八月念三日記 門下僧

右碑在渠縣城內西南隅寶珠山山頂圓特形若寶珠按流
江縣魏置渠州流江郡治唐武德初又置寶城義興二縣八
年省入流江至明初降渠州為縣並省流江王佐遂寧人政
和五年乙未何桌榜進士寶祐初知利州

宋遂寧府蓬溪縣新修淨戒院記

石高八尺廣四尺六寸二寸三分
行行四十字字徑寸八分正書

遂寧府蓬溪縣新修淨戒院記

中散大夫充右文殿修撰知遂寧軍府事管句

神霄玉清萬壽宮兼管內勸農使郪城縣開國男

食邑三百戶賜紫金魚袋李孝端撰

東蜀地險且隘非山即川間有平原隨其陸之大小以建郡邑
故土地廣闊比之他路蓋為少矣然士民信嚮釋學多喜其教
人不以盜賊為意雖村落之民迥居郊野未嘗有驚竊之虞由
是僧居禪律相半亦何盛耶遂寧府東北去城四十里夾於蓬

溪道左有寺曰淨戒乃唐乾寧間所建昔号大輪今名之所賜
寔自 本朝始有大佛與五百羅漢二殿基構規模依山附險
纓蔽風雨而已然地之所占殊為勝槩林茂壑秀周覆密鬱環
蔭於下古藤盤繞垂結喬木之間掩映滿目真若圖畫使善繪
者有不能也人一到之無不惋愛以為絕景佳處往往留連排
徊忘其去而不能捨爾前有僧德脩及見管句祖善慨然有志
出於誠心惜其舍廡未廣供事未盡欲興完而增大之於是夙
夜匪懈奔走水陸未始敢已務在緣化以畢其願孳孳始終相
繼踰三十年方得就緒取院之上巖依廣闊形勢為釋迦弥勒
二大石像隨其高下設重閣三層以嚴奉之又置大部經四列

於閣之左右則二僧先後積力之勤真可謂不負其志矣德脩
歸寂既久獨祖善尚存雖不識之今將以是而觀其修建之由
亦可知其勤也已宣和辛丑六月僕守遂寧癸卯將及瓜期府
學正陳諮有請曰鄉僧祖善念其師德脩興院之功世莫或知
以謔辱在門下顛因請記其事丐文以叙之又松楸密迓歲時
必造竊不敢隱區區幸被光榮焉陳侯一鄉之善士取亦有持
守特為邦人所推重曩嘗以八行薦之於朝今既來請義不可
拒其詞曰

武信東隅望良弓

山原秀峻何崔嵬

茂林古木

鬱叅差

下有古剎建路岐

唐昔創修經幾時

當年起者人為誰

中間隘陋且復衰

棟宇傾

歌將即隳

釋子結緣志不移

奔馳水陸念在斯

德脩興創立規儀

確守挺然誠無欺

祖善

繼脩能扶持

合謀成就遵其師

近來營繕敢怠

疲

歲月慇懃功益弥

三踰周星匪緩治

一

朝金碧驚神為

聞皆歎息觀生咨

大像巍我闕

相宜

四部經藏列於茲

使來瞻仰生懽怡

壯哉示此真慈悲

如是能觀復何疑

宋宣和五年六月十八日從政郎前充資州州學

教授馮耘書

右碑在蓬溪縣西十里卽大佛寺唐乾寧年建初名大輪宋
改淨戒按遂寧宋政和五年升府屬潼川路宣和五年升都
督府元至元二十年降州屬潼川府明洪武九年降縣

宋王夢易墓表

石高七尺七寸廣三尺八寸三十五行行七十字字徑八分行書
額高一尺六寸廣一尺九寸四行行三字字徑四寸五分篆書

大宋故贈通議大夫王公墓表

大宋故贈通議大夫王公墓表

觀文殿大學士通奉大夫提舉西京嵩山崇福宮清

河郡開國公張商英 謨

太中大夫守尚書左丞兼神霄玉清萬壽宮副使隴

西郡開國公李邦彥 書

保和殿學士銀青光祿大夫提舉上清寶籙宮提舉

三山河橋安定郡開國侯王昌齡 篆蓋

太常博士王潛夫元豐末非辜失官元祐丙寅八月十五日以宣德郎終于南榮私第終之日其夫人向氏年三十六三男子長曰應次日庠年十六次曰序年十四夫人執二子手泣於柩前曰未亡人不能雪吾夫之橫逆復夫之官庠序未有成立終不葬此柩也於是專室靜居命諸孤從賢師學夫人於

欽聖憲肅皇太后為從祖姑

欽聖聞其守志立節又憐二子白身首因官庠序以遜序兄弟力學能文崇寧初偕貢禮部不第庠謂序曰吾弗隱誰待吾母子弗仕孰大吾戶已而庠以侍母凡一十一次堅辭聘詔序兩獻文入等稍遷都水監丞治塘隄有勞三歲五遷至朝奉大

夫遂封贈潛夫朝奉郎二子泣請於夫人曰母之教子志已成
父之官已復而有加矣庶可葬乎夫人許之既□□兆而夫人
亦歿遂合祔焉夫人之懿行孤節馮潛既誌而銘之又謂潛夫
為前輩解不及見而知之盡求與潛夫同時偉人紀其詳以信
天下後世庠序以書來曰唐人銘誌子孫不得抑公權筆以為
不孝昔者先子獲交於吾鄉先生無盡公詩編簡牘秘於私家
者具存也先子之平生及其誣服抵罪鄉先生固知之矣苟無
一言之賜則庠序不孝之罪終天何贖耶予嘆曰尔父之為人
吾與范蜀公何濟川深知之尔父之得罪吾與諸人蓋嘗扼腕
當不幸時尔未克有知予與諸人竊嘆而無及焉今庠也太學

定八行全備為天下第一名上于□又以從官之請旌為廉遜處士序也以仕官褒顯累遷太中大夫擢徽猷閣待制知三城又

親賜進士第夫君子之澤五世而斬不質於人必質於天二子何必以吾文為孝之盡哉勿已則楊天惠所作雙溪先生傳盡之矣傳曰先生名夢易字潛夫其先京兆人□□德曾祖蘊舒方蜀盜引衆圍州危甚蘊舒夜縋出乞隣救城以完州人德之蘊舒生長釣長銳當淳化初順賊擾掠過蔡長銳又有完城之仁長釣生伯琪贈殿中丞伯琪與其母□□□居四十年雍穆無間語有三子長夢禾仲夢得先生季也俱以孝友聞能

世其家法御史陳諭美之以韓鄂書其亭之額榮人號為義門
王氏州上其行乞加旌表潛夫皇祐元年及進士第調綿州法
掾始到轉運使出巴西滯訟數百牒命理之皆辦異其才率同
列交薦遷石照令邑民喜鬻獄□衛氏子挾母以欺兄其兄乃
前母之子獄久不決潛夫察愛憎均□□使母子如初有一家
三人夜漁於峽口為盜併殺溺其屍而舟在潛夫悉□瀕江民
聽其辭色疑二惡少械繫開所使人□□伺察之時縱鼠以出
示若無人二囚私語曰姑忍之行不死矣按下人突出就證囚
遂服罪一縣稱神明前此苦徭役不平縣占籍戶三千而下戶
無門番□潛夫鈎得冗民隱避者數百家勞逸始均州因命潛

夫正衛籍甲乙有差率十歲為一周遇歲飢疫出私錢十萬設
糜淖儲藥石為吏民先所活甚衆邑人述惠政錄刺于石再調
□石復有能名開封尹傳求薦右軍巡判官數雪冤獄有異狀
增秩一等除通判果州潛夫久攝守大興泮宮隣郡皆有來學
之士盛聞四川州濱涪江屢留城郭潛夫親□其災築西面隄
二里增府屬之樓觀利及於後熙寧役書新下有司不論德意
潛夫以稅定□□十取三以為式比一路最輕平就求普州得
之值在勢者不悅以事免造朝舒國王丞相知其才將用之會
出□□授興元南鄭縣移擢興州蜀司運茶入秦艱於募民滯
留乾沒歲以萬數潛夫備奏公私之弊宜放郵傳法置遞兵便

仍預言曰臣今所陳貽當職怒或以他事中傷臣不敢憚

上可其請自是歲辦邊計郡邑數千里免抑雇妨農因以養游
手萬家至今賴之時當職果怒潛夫專達誣以私役保正被謫
還家潛夫治歸來亭於徙居雙溪上坐客常滿因口客曰陶淵
明從人得酒乃一醉度一月醉幾何吾乃日有酒以延客豈不
優淵明耶初榮之鹽井藉民醵輸歲久澹竭口口口口以償虛
課禍逮子孫悉捶撻無完肌獨免有祿之家明口口郡守李旼
患之公之伯父及殿中公率衆聞于州按法官戶免色役而不
免科配請以官戶均煎遂紓一方之困旼既還朝力言於孫文
懿公孫以序美之曰抗意邱民古君子也口口痛疏其弊章上

不報厥後有祿者興訟將詭法中王氏殿中公銜寃先逝親脫
兄於口兄亦口卒于獄衆切哀痛潛夫旣成童伯仲力教登科
雖黜本戶之輸泣曰吾父爲衆之公心口不伸於泉下乎屢白
州縣不聽則言於使者及省部又不聽則移書宰執最後陳公
希亮判三司戶部句院以其書聞乃還籍沒者三百一十五家
命下之日鄉閭感涕又歲蠲三十餘萬斤自是鹽賦遂輕民得
蘇息皆潛夫父子終始之德潛夫雖不極于榮令流慶後昆天
定勝人豈誣也哉又喜誘掖後進聞人一善若出諸己濟貧賑
困盡其誠心固宜有後也揚天惠傳大槩如此亦幾以增損矣
潛夫以庠特恩贈太中大夫序累遇郊禮今贈通議大夫女三

人長適口口朱立次適中大夫鮮于之武季適承議郎呂元淳
孫十三人鳳寶瓊寶楚寶賢寶儒寶道寶早世芹孫迪功郎公
孫桐孫卿孫承奉郎楓孫慶孫通仕郎興孫承務郎曾孫四人
曾慈曾光曾口曾封尚幼

無盡居士表其墓曰予讀李邕傳見其以文章直氣為姦邪所
惡誣以重罪使吏評治事出吏口迫令手書未嘗不掩卷流涕
而嘆曰安得寬平之人使之治獄為吏哉以李邕之獄例之則
刻木畫地自昔而然豈矢人不仁出乎其術抑蝮蝎之性異形
而同毒哉王潛夫樂易急義人也身死之後交游散矣後二十
年二子卓卓有立能從馮長源鄭少微楊天惠求文以顯親之

名又拳拳終不釋予予惟天之報施至微而不可昧曲於人者
天必直之殃於人者天必慶之潛夫之後方大而昌尚何辯哉
尚何辯哉

宣和五年六月二十一日男廉遜處士 朝散大夫

庠 男正議大夫充徽猷閣待 制知河陽軍州事充


陝西河東河北路宣撫使司隨軍轉運使 序 立石

右碑在榮縣東北四里鳳皇山按宋史王夢易附其子王庠
傳庠字周彥累辭詔聘賜號蘄遜居士弟序商彥以平燕雲
登法從李新跨鰲集弔安康郡君詞序元祐己巳某識周彥
於魚窟市門明年春周彥具書幣來致某欲以文相會館某
於華亭母安康君與周彥商彥幾以某爲兄子禮遇有加是
年秋某以書貢春解褐衣通籍士部今二十三年矣政和癸
巳八月周彥商彥奉安康君附朝奉公以葬某因爲楚詞以
弔安康君卽夢易配向氏也跨鰲集又有王朝奉誅政和三
年八月庚申故朝奉王公葬於紫川鳳凰臺之原其子庠序
發專書數千言言倍酸苦曰吾先君至行動天仕爲小官敢

言不避要勢不究德而死吾母安康君誓以復讐煎寃報吾
先君庠序受命日夜祇惕今皆如訓約無負將誅先君而安
康君以疾薨又曰庠十六而孤區區立世正如老母在今餘
年何所戀得乎扁幽堂藏兩玉骨於九泉葬畢幸有弟序在
庠卽死求母於地下豈不遂所欲某三覆書詞不忍聞周彥
輩痛切之辭也旣誤以某爲能言且辱交幾三十年無所追
悼以慰二孝友乃爲誄疾燔之以告先生觀誄文知庠序風
以孝聞宜山谷老人集稱其有古人之行也張商英字天覺
號無盡居士蜀州新津人李邦彥字士美懷州人宣和五年
轉尚書左丞宋史俱有傳楊天惠見前潼川府學鄉賢堂跋

宋雙溪記

石高三尺五寸廣四尺五寸十九
行行十五字字徑寸八分行書

宣和癸卯唐安任宗易從簡攝守南榮
孟冬初五日率鄉大夫表申申之資中
何慈端卿天彭楊臣遂宣陳開亨
道金川郭純中英發謁王庠周彥
於雙溪之上時周彥之弟序商彥久去

雙谿從二宣撫平燕雲凱旋入

對茲地名聞四川昔者

通奉王公諱夢易字潛夫以伉直涖官

晚築歸來亭於溪上同

碩人向氏卜隱於此向氏大丞相魏王

諱敏中之孫少師諱傳師之女

欽聖憲肅皇太后之從祖姑能守義於

遠方士族婺居雙谿力教諸孤時長子
靡教源年已踰冠惟庠年十六序年十
四暨學成皆外貢其後庠以侍母累辟
詔聘太學考八行全備居天下第一
不赴

旌為廉遜處士序兩獻文入等第
上識拔擢登法從

右碑在榮縣北三里雙溪相傳王庠王庠讀書處庠字周彥
庠字商彥見前王夢易碑何憲大觀三年己丑賈安宅榜進
士

宋東嶽行宮正法院新創妙通朱真人洞記

高三尺六寸廣三尺二十四
行行四十字字徑八分正書

東嶽行宮正法院新創妙通朱真人洞記

上清天樞院修文直史校天台內王京王斗院宣

應功曹掌當院書奏正一靈官周□□

先生姓朱晉人也周遊蜀鶴鳴山隱顯不測自稱為朱桃樵至
石扁洞門影響殊異先生多治眼疾一一無不愈也屢得

皇賜為安靜觀號希夷先生昔先生有暗助神化功佐明

主上帝有宣詔號為丹霞大帝君先生抱

朴直一無顧不踐自不同於凡人有生死寂滅純守自然之性

隱逸無爲之節或□二從爲長椿梓杞或帶□□竹冠布衣
逍遙遙忻忻杳杳今是處雖有事真之□而不知真之實也
□間□李仙山□進士陳真世系羽樞宗派黃冠三代奉
於嶽神一轡皈修正□且不念□□寂寞習術棲真乃以考召
降魔陰功濟世真所謂學廼上法消積過愆於歲之庚子詣西
蜀益州謁禮於保和真人裔孫王君求受法錄擇危救苦王
君曰我家法祖流於四方惟是道心堅固方□於真人耳真
備信跪受錄文而歸後僅數年於本里得道山張傳道場下
別敷此法孰符錄歸於道院齋戒其誠自表奏於上蒼曰臣
寡陋弱質慮黑業而不消皇天鑒衷願洗摧於丘積或一日

三天降命頒授紫庭主威靈曹屬而主壇場助藥使文官而讚
妙化予等初承上命一意奔前種種施爲□於此日一旦異
靈香而上白言仙曰今願欲創一宮而奉於真人卜地無
穩真官曰可於重□之側最爲真跡也異悔然將疑石而不
實退思而已真官復觀真不從所跡遂乃驅靈神而燎火仗
六甲以役工自此方知神人點穴於斯乃無誤用舉工漸緒
真官復與異曰崑居穩合谷神自然勢當□□功補闕乎最宜
遠日副超幽之大力也又有此側嶽宮樓閣徘徊神曹灑灑上
下橫翠左右環然峭壁隱嶺里人圖遠舉其地者銀峯楊流而
施創其全者刺史成公而興其次有轉手掃洒者羽福陳侁粧

巖勝地者雲間衆仙也今已洞事周畢 真像告成真來請名
於洞 真官降言曰歸真也人得真道溫穀和粹朴略英賢人
不得真道頑很蔽塞虛偽諂詐返窮祖復窮源真所謂歸真之
義各有出於包含大道樞機各有司於人物豈可一槩而定論
則言歸真返本盡性歸空凡物驟然亂人境界為今日修智立
身之道本謀於生死快樂之宗諒陳道灼精功之誠須有遠避
於生死玄奘大抵謬物觸忤造化妖叛逆於神人然精功超幽
者凡人之類也忘機退思者本質歸真也天下士一芥豈得無
人惟是公等有宿骨交契於神靈但雖有儒生讚志而未能窮
其祖末故昏昏開頑鈍夫之口各令有稟智性長生之路哉時

皇宋壬子月終餘旬周□□題又恨薄句去而未盡再以偈而留君

右碑在簡州唐時蜀人自稱爲朱桃椎隱居不仕浮沈人間實軌在益州召見遺以衣服逼爲卿正桃椎口竟無言棄去於地而走逃入山中結庵澗曲夏則裸形冬則緝樹皮自覆每爲芒屨置於路見之者曰居士履也爲粥米茗置本處桃椎至夕取之不與人相見高士廉鎮蜀時以禮致之及至降階與語桃椎不答直視不去廉每令存問桃椎見使者輒入林自匿見續世說嘗著茅茨賦見全蜀藝文志又枯異志成都畫師許姓善傳神有青鞋布襪敝衣憔悴人來求寫直許

日容貌如此而求寫真耶其人解布囊出黃道服鹿皮冠白玉簪脩容危坐以手拭面則童顏也引其鬚應手而黑乃美丈夫也許驚異道士曰汝傳我象有求者只取千錢後有識者曰此朱真人也真人有祠一在州龍泉山一在新繁縣劉光祖有記劉記佚不傳此記縷述其靈異事涉妄誕係是道流所撰以惑世者書皇宋壬子而不書年號亦疎略之至

宋文正倫墓誌銘

高六尺五寸廣三尺四寸六分二十七
行行六十七字字字徑八分正書上方勒

左朝請大夫致仕文公墓誌銘

左中奉大夫提舉製慶府仙源縣太極觀
□□□□□□食邑五百戶寒 謨

左朝請大夫新楚通判涪州軍州兼管內
勸農事賜紫金魚袋□ 洪 書并篆

光祐紹聖間 國家承平之久文物盛極太學諸生三千人
更相甲乙其推蜀人者中有二文之目乃左縣故左朝請大夫
致仕 文公與其弟正思也後四年丁丑 公□□ 公□□

金石苑

宋文正倫墓誌銘

年月

綿州

□□生中□□□□□□□□最後 公守昌余守榮凡自昌來者
問 公之政皆曰儒者愛人之爲也問其所樂皆曰著書日尚
不輟余益畏伏之紹興十年閏六月□□□□□□□□□□
□□□□□□□□所狀來請銘辭之□□嗚呼 公宜銘矣顧不
文無以稱之□□ 公諱正倫字濟道左蜀郡之巴西人漢守
文翁終蜀二子留焉□□□□□□乃巴郡□□□□□□王
祖□□皆隱晦不仕祖□贈大中大夫父□故仕朝請大夫致
仕累贈金紫光祿大夫西蜀前輩有稱者 公初調廣安軍司
理□□□□□□□□□□□□□□□□□□□□其上也
□□者每遇□□例□□復掩□以寔責然相因悉□而不恤

也 公時兼倉事使者薛紹彭峻甚行部至廣安 公□□□

□□□□□□□□□□□□□□□□□□□□□□□□

□二川渠泉令 朝廷案下門使夫役太原三界□□預

多□□ 公部邑夫數千撫馭費送□□□□他□□□□

□□□□□□□□□□□□□□□□□□□□□□□□

挾貨□□公私之□ 公□□邑□使□□□於是行者□息

居者足食黠商袖手而吾□□□□□□□□□□□□

公□□□□□□□□□□□□□□□□□□□□□□

首三人 公□高等□□□□其□□也改通直郎遇八寶恩轉

奉議郎代滿赴□□□□□□□□□□□□□□□□

□□□□□□□□□□□□□□里居□乞□□以便□

養堂除□□□□□□□□□□□□□□□□□□□□

縣□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

除通判□州轉朝散郎到官未幾以宣撫司辟官代去□□□

□□□□□□□□□□□□□□□□□□□□□□□□□□

□千萬計□□□□□□□□□□□□□□□□□□□□□□

督之歲堰有實利及民轉朝請郎會蜀州□□□□□□□□

□□□□□□□□□□□□□□□□□□□□□□□□□□

□送公之□而返任滿除通判永康軍灌口為西蜀□□每

歲□官間出私智不循□□□□□□□□□□
□□□□□□□□□□歲均被□州而□□□之害以
靖康建炎 覃霈轉朝奉朝散大夫宣撫司辟知黎州沉黎馬
政不修金錢□□□□□□□□□□□□三千
大雲南□□□□河之南不至□久□日□□書求來□□有
窺我意 公悉撤去通行文牒凡揭示國事變故者首以衆至
□□□□□□□□□□□□□□□□□□□□公化
□□人□□置書之去然諸史兵法亦不與也夷漢懷伏之沉
黎多珍貨名駒 公垂橐虛乘而還除知昌州昌地□□□□
□□□□□□□□□□□□□□□□□□□□而不□其□□

以為常 公督治三邑具入以時畢□州□□無科余之患
諸臺列薦進一官代還乞宮詞差主管□州□□□□□
□□□□□□□□朝請大夫□□贈宜人五子曰震
以□蔭任右迪功郎前監□州甘泉縣酒稅曰良擢進士第左
宣教郎知遂寧府小溪□□□□□□□□□□□□□
□□□□也一女曰秀□□□□□□□□州□□州□□孫
男十一人曰□式□式□式□式寶式知式逵式尚式元式凝
式孚式孫女十三人□□□□□□□□于□□□□安□□
□□□□□公資性孝友□□□一弟□州□□□來壘輯
奉板輿既終制遂安養怡怡無進取意居官愷悌所至不□□

必□□□□□□□□之□□□諸史所著有左氏糾□三
卷若諸書人名□□者為小名錄三卷自左氏至唐史悉手抄
其□□以□論□正名左氏曰冠冕西漢曰□□□□東巖
野老集八十卷 公文章如班固亦雖字書□□□勁率以
為法而□其□神至於內典無不通者家有所集秦漢以降古
帖八十五秩其博矣哉銘曰

君子學道

務在愛人

發為政事

澤必被民

維公之心

□精內充

出而筮仕

一其始終

哀矜致刑

愷悌字庇

□□□□

乃教□子

□□□仕

借此而□

手足還□

高堂萬里

願罷中都

去如脫蓑

汪洋大川

衣□□□

□□南□

□□□□

談笑却之

寔公之□

器□用□

學則有餘

含英咀華

□□□書

其傳有文

□□□□

右碑在縣州東十五里新廟溝上灣按蜀中著作記文正倫
漢守文翁之後第進士爲朝請大夫力學爲文宏瞻博洽一
時稱之枯諸書重複者爲小名錄著有東巖野老集八十卷
襄汝明金堂人紹聖中進士

宋南龕造觀音像贊

高七尺七寸廣一尺七寸四分
行二十七字字徑三寸正書

大宋淳熙元年六月二十日巴南守楊槩值 先考朝請忌日謹贊

謂此是觀音初因匠石鐫謂此非觀音形相已儼然圓通大自在持願
亦無邊一念聞思脩何處不現前我今造此像持以報所天人誰無父
母是山孰比堅稽首淨聖王與山千萬年有來修敬者存沒俱妙圓

右碑在巴州南二里按楊槩隣水人巴南太守通志作元祐

金

石苑

宋南龕造觀音像贊

淳熙元年六月

巴州

進士發誤以碑作於淳熙元年距哲宗元祐已八十餘年也

右碑在三臺縣不書年月碑言運使大夫張公又言鵬前公
來使後公來守蓋與陳先後爲梓州守者也陳鵬南部人嘉
祐中進士蘇轍樂城集有陳鵬運判制按廣元縣志九井灘
有巨石曰魚梁龜堆芒鞋囁爲行舟患宋元祐四年轉運使
陳鵬鑿平之是鵬又爲轉運使矣費著氏族譜李時雍隲之
子高廟稱之龐適見前藏真屋銘

宋楊次公證道牧牛頌

高五尺三寸廣二尺八寸頌四行行七字字徑二寸結
衛二行第一行十字第二行九字字徑五寸正書

突步欄中亦奈何

若年優倦德由他

力爭牽而不迴首

只麼因循放者多

朝奉郎知潤州賜紫金魚
袋楊次公證道牧牛頌

右碑在大足縣東北三十里寶頂山南崖之左巖沿崖皆刻
牧牛旁題頌乃楊次公作也按宋史楊傑傳傑字次公濡須
人舉進士元豐中官太常者數任元祐中爲禮部員外郎出
知潤州除兩浙提點刑獄有無爲集十五卷別集一卷自號
無爲子此頌不見於集中蓋佚

宋雪峯寺勸農記

高二尺六寸廣二尺前八行行存十九字字徑
寸後十行行存三十字字徑五分正書下泐

運使

紹興

詔

詔

轉運判官臣

臣

雪峯寺蓮

勸農又

秋閏八月戊寅知軍州事

通判軍州事臣與

伯年陳縣尉臣祁

谷縣令臣

金

石

苑

宋雪峯寺勸農記

紹興十八年九月

廣元

詔令也事

古碑碣至此

皇嘗謂農天下之本也厚生養之道口調度之實形
命之臣不知所以勸之之術如何可觀召翁卿之於漢也
陶士術之於晉也見無佃之民取未熟之稻者則鞭之即文翁之於
耕桑者則奪之夫斥之則威以聲也鞭之則懼以刑也奪之則以力也
與戊辰間樹月戴洽有三日運使程公內翰王公府判公
上體
嗣天子勸農之意躬復田畝集父老教以慈有如延
有如玉丹諱諱誨誨與夫斥之鞭之奪之者殆有間矣
報豐年之詠行共與此方之民慶焉紹興十八年九月日

在通志卷四

元孫峯禪師宗派錄

石高一尺二寸廣一尺七寸七分字徑十餘行書

初祖達磨圓覺禪師
二祖大祖慧可禪師
三祖鑑智僧璨禪師
四祖大醫道信禪師

五祖大蒲弘忍禪師

六祖大鑑慧能禪師

太元至正十年重陽住持孤峯立石

宋郭氏夫人家傳

高一尺廣一尺一寸三分廿
行十九字字體四分正書

祖妣太夫人郭氏家

漢嘉之南安人隱君

然先生博學工文詞

習導引術賦詩日娛

氏生一子二女歸我

風生理泊然天資慈善好

咨憫調之惟恐不

斥詈僕妾遇盜伙

重殺生行必視地踐蟬蟻質祭封

自號超

絕世事

先生娶楊

先生

老者病者

其人未嘗

也潔清敬佛

惻

戒嚴甚焚香誦貝

珠不去王暮年彌篤隆

興甲申五月十一

疾而終年八十有六初

先生高蹈物表口

言錢生事益落太夫人侍

于家供養溫清凡

十年使先生怡然行志酬肆

吟詠優游以歿者

夫人孝敬力也太夫人二子

長即先君諱行之

十年平叔父諱况後一月以

毀死一女嫁同郡

達州助教史公諱醇後七

年平孫男四人重已

望之堂之孫女六人曾孫

男十有二人曾孫女

七人元孫四人外孫存者二

人外孫女一人外曾

孫男女五十人兄重謹奉叔

婦之命卜以淳熙十

二年十二月丁酉舉太夫人

之喪合葬于邑之墓

雙溪大父之墓已之拜

手敬錄家傳將付

筆書諸石焉

右碑在夾江縣乃孫爲祖妣錄家傳而刻之石亦墓志銘之
變例也石泐數十字已之之姓無從考此種在蜀時未之見
道光戊申韓小亭太守自錦城郵寄因著錄之

宋御筆繕田手詔并記

碑連額高五尺九寸廣三尺一寸額九行行十三字字徑八分記二
十八行行十九字字徑四分正書額三行行二字字徑三寸篆書

御筆
繕田
手詔

御筆繕田手詔
朕惟天驕已未四載有異於不憚
乃躬與民休息今雖屬豐饒流
振東朕親耕藉田以先農事正
漢漢豐感有老孟與世心樂於
月乃漢女帝頻年下詔有耕農事
之今及於上下給足施免四租免
予更得朕心在農民法國中休
諸王族族族詔諭德至如農

文列于後

金石苑

宋御筆繕田手詔并記

紹興十七年二月

渠縣

臣竊聞漢文帝五下詔書舉以經術爲高第
也謂時不加師是也舉而不動則民不明也
文帝時以諸和所奏奏大上有新下者焉
行于民化于下推而治之民者吏也
若本不度則不中不能致之民得亦無以守上
將以用從也矣

主上臨御丁時難矣

實所難保不違聖意

觀念天下之至難事所先中應應備

親親愛親愛親

東輪甚煩

知矣

知布多方扶故何難者宜特威治以觀

德化也莫不咸曰將復見太平矣地者

言丁宜何有司公處事行在守令出郭燕

夢父老端以

親親愛親之意雖又侍臣數其七

教民也

御軍子以模制于聽事所如

或石之銘碑稍少省費則無學大然有以貴

聖志焉嗚呼休哉

夫語所以播也如此而待臣所以對揚又如此然

則司宜民之任處分是之守宜宜如何耶

法術嚴守倫事實無以印訓

訓詞之爲一惟所以奉承者必將必情願而守

或有補也謹列手職言而請果于下方云點與十

七年二月五日台朝奉御轉運通渭州海州主官

學事提督四勳慶事僧知自無寺時立石